



**MALIKTAOYUKNARQTURQ
KATIMAYIIT
KATIMATILOGIT**

KAMANIK NUNALIIT AULATAGIT


Tahapkoat aolatakhat havaktakhat katimayiolotit nunani, oblunik amihonik katimakatakniqtotit. Nunaliit gavamangita katimavigani, katimayiralaat katimaviani, holi ahinginiklu, maliklogit akonarotaolotik maligalioktaoyot ekayokniaktot maliktaoyonik ayoknangiloni, kamakatigiyatit kamatiakatigilogit, tamainot atotiaktot, holi titiratiaktaohimayot ehomaliiorotaoyot atoklogit.

Nunavutmi, holi Kanatami, mailiktangi aolaitaoyot Kanataop Katimaviryooangata maliktanginik, atoktaonginaktot atoktaolotik maliktakhat, ilikohit, maligialiit, holi maliktaokataktot. Tahapkoat maliktaoyot ukiut 100 ungatani taimalititaoyot tahapkoat amihonikhat ehomaliotihanginot, holi atokhotik atokniaktot katimaviotaoyot tamainot ehoakniamata amiranikhanot. Niroaknik malilihotik katimayit amiraknihat atoromayanginik.

Tamna makpirak Maliktaoti taimana tokikakpok. Ukalimaktaoyoknaktot kaoyimalirot elinot ekayorotioloni katimatiakatakniakmata kaoyimatialiklogit Katimavikyoakni atoktaokataktot. Homitoinamik kaoyimagikovit tavvani makpirakmi naniniaktokhaovat maliktaogialiit mikhanot.

Havakatigiyakat holi eloani Nunalingni Kavamatkunillu Pivkhaqautikikkut eliphinik ekayoromavogot kanok ekayoktaoyomagophi. Ataotimiilota, eliphinik ekayokpogut ehomalioktilohi.

Katimayiyook Lorne Kusugak
Minista Nunalingni Kavamatkunillu Pivkhaqautikikkut



Katimayiyook Lorne Kusugak
Minista Nunalingni Kavamatkunillu Pivkhaqautikikkut

HONAMIK MAKPIRAKMI MALIKTAOYOKNAKTOMMI NANIHINIAQTOTIT?

Tamna *Maliktaoyuknarqturq Katimayit Katimatilogit* okamajutikaktok kanok kiinaoyaorotaolotik aolatitaoyot takonagat nunaliit katimayinginit. Aviktohimayoni 7ni omma ataani takoyakhaovot, tamna Makpiraangit tokilohimayot eluaniittot, eliphinot tokiqatiaktot oqaohiit, holi takoyakhat eliffinik ekayokniat ehoakniakmat elaolotit katimayit katimalirangata.

ELOANI 1

Ajigiingitot Katimaniit okaohikaktok kaoritomik katimajutikakniat holi takotitiniak ajigiingitonik katimaninik tapkoat niroaktaohimayok katimayit katimajutigikataktanginik.

ELOANI 2

Katimayit tamanijutingi tikoakhimayot holi tukiliokhimayot tamanijutinginik katimayit havakatigiyanginik holi okaohikahoni tukianik “katimayit ammihoningita eloakningi katimaniakhotik”.

ELOANI 3

Eloakhainik Katimajutihamik okaohikaktok havaktaoninginik katimayit katimajutikhanginik holi tokiokhimayok katimayit katimavigikataktanginik pigiakhogo Katimagianiop Matoikninga katimanialikhotik tavvonga Katimanik Matoninga.

ELOANI 4

Atoktaonginaktot okaohikaktok ajigiingitonik “nutitinik” atokataokataktot tatoktaokataktonnik hamat nutitikataktot katimatilogit. Holi tokilohimayot kanot kamayaoninginik aktokhimaloakniknik, katimiyiit atoktangi, niroaknik, holi ahigni okaohiyot katimayinit – tahapkoat holi takoyakhakakhoni takoyakhanik.

ELOANI 5

Eloakhaoningi Titirakhimayot Katimajutiviniit okaohikaktok atkonarotinganik titiraktaohimaningita katimayotaoyot takoyaoyoknakniakmata takoyaogiakakpata. Katimajutivikniit titiraktauningita tammani okaohiovot.

ELOANI 6

Katimayiralaat naitommik okaohikaktok kanok katimayiralaangi katimayit tikoaktaokataktot holi aolaningita mikhanot.

ELOANI 7

Aolaniop Maligat tokiliokhimayok aolaniop maliganginik holi kanok ekayorotaoyok katimayinot tahapkoat havaktangita eloaniitonnik.

ELAGIYA OYOT

Elagiyaoyot nanihiniakpohi takoyakhanik holi atoktaoyot nalonairotinik titikat eloani and ahingi atoktaonginaktot.

OVATIANGINAK TAKOLOGIT NALONAIROTIT

Ovatianginak Takologit Nalonairotit attoktaonginaktok marruuk Kanata gavamanginit tapkoak *Robert-kutigut Maligakhainnin (Ihuaqhaqtaaqhimayuq titirauhia)* aipaalu *Beauchesne-kutigut Kavamatuqatkunni - umma titiqaop kingolianiittok*.

Taffhuma titirak eloaniittonik titirakhimayok makpirap aipaani holi okaohikaktok aviktohimaninginik titirait.

ELLOANIITOT

UQAUTIGINIAQTAIT	V
ATOQATAINAKNIAKTOT TAIJUTIT.....	VI
ELOANI 1: AJIGIINGITOT KATIMANIIT	I
Katimayit katimanigit Nunaliknot Matoikhimayot ...	I
Katimavioyok Katimatilogit	I
Hivulliqpaaq Katimanikhaat Katimayitkut	I
Katimanaktilugu Katimaniq	I
Atauttimiyumik Katimaniit	2
Upalungnarnikkut Katimaniit.....	2
Ilikkuurnikkut Katimaniit (Ahikangilotik katimanik)	3
ELOANI 2: ATOKNINGA KATIMAYIONIKMOT	4
Haglonginikot	4
Katimayot Amihonngi Eloakngi	4
Hivoliokti Katimatilogit (Mayor)	5
Toklia Mayornguyop.....	5
Atanilluaq Aulapkaiyini Havakti (SAO-kunnik taiyau-	
vaktut)	5
ELOANI 3: KATIMADJUTIKHAQ	6
Pitquhikhaa	6
Atikhaalu Hivuliqpaamiittukharlu	7
Katimatquinikkut	7
Atuliquiyungnaqtut Katimadjutikhamin	7
Taiguarningallu Angirningallu Katimadjutikhap.....	8
Uqautauyumahimayut Katimadjutingminngaqtut.....	8
Uqautauyukhat.....	8
Katimayaqtuquyahimayut.....	8
Titiqqiqiniq.....	9
Kiinauyalirinirmut Unipkaangit.....	9
Havaktit Unipkaangit	10
Tikkuaqtuiniit	10
Nutaat Uqautigiyauyukhat	10
Maligainnakhat	10
Kangiqhipkauhiit	11
Taimaaqtiriniq	11
ELOANI 4: PITQUHIRILLUAQPAGAIT (PIGIAQTI-	
TAUHIMANIIT).....	12
Pitquhirilluaqpagait Pigiaqtitaunikhakkut	12
Ahinuktittiniit.....	13
Avikturningat Pigiaqtitauhimaniit.....	14
Nakuatuuqhimanngittut Pigiaqtitauhimaniit.....	14
Niruarutigivagait Pigiaqtitauhimaniit.....	14
Akitauhimayut Pigiaqtitauhimaniit.....	14
Pigiaqtitauhimaniq Ihuaqhainikhakkut.....	15
Niruarningat Ihuaqhaqtauhimayumin Pigiaqtitaui-	
mayutigut	15
Ahivaqhiniq Pigiaqtitauhimayumin.....	16
Pigiaqtittinikhaq Hatqiktauyukhanin.....	16
Pigiaqtittiniq Hatqiktauhimayumik Piffaarniarumik	16
Pigiaqtittiniq Kinguvarumanikhakkut.....	16
Pigiaqtittiniq Nuutirinikhakkut.....	17
Pigiaqtittiniq Ihumagiffaarnikhakkut	17
Pigiaqtittiniq Taimaarnikhaatigut.....	18
Pigiaqtittiniq Taimaarumanikkut	18
Apiqqutauuyuq Pivikhariyaatigut.....	19
Uqaudjauniq Katimanirmut.....	19
Pigiaqtittiniq Tukhiqtuutigilugu Ihumaliurutaa	
Ikhivautaliup	20
Inminut Agviarutiqarniq.....	20
Qatannugitiingnut Ihumagiyaalgit	20
Pitquhikhaat Naunaiqhinhakkut	20
Katimayungnaqhiutinik Tammainiq.....	21
Nipiliuqhimayut Niruarnikkut.....	21
ELOANI 5: PARNAIYARNINGAT KATIMADJUTIT .	22
Pitquhikhaa	22
Titirarningat Ihumaliuqtaunirnit.....	22
Titirarningat Atiit.....	23
Angirutait Katimadjutit.....	23
Titirarnikhaat Katimadjutip	24
Titirauhiillu Titirattiarningallu	24
Kitulluqaak Piyaaqanngittut	24
Ihuaqhainiq Katimadjutinik.....	24
Pihimaninganniglu Tutquumavianniglu Katimadjutip	25
ELOANI 6: KATIMAYIRALAATKUT	26
Tikkuaqtauningat Katimayiralaatkunni ukunani	
Katimayitkunnin	26
ELOANI 7: PITQUHITIGUT MALIGAINNI	27
Pivikhaat.....	27
Iluaniittut.....	27
Pimattiarniq Nakuatuurnikhakkut	27
Parnaiyainikhakkut Ikayurningat	27
MAKAPIRAT NUNGUANIITOT	28
Atatahiania A – Uqattiarutaat Havagvingmi	
Uuktuut	28
Atatahiania B – Kinguvarumanikkut Naunaipkuttap	
Titirarvikhaq.....	29
Atatahiania C – Uuktuut Katimadjutikhaq.....	30
Atatahiania D – Uuktuutiat Katimanirmut Katimad-	
jutiminiit	31
Atatahiania E – Uuktuut Pigiaqtittinirmut Titirauhi-	
at	36
Atatahiania F – Pigiaqtitauniit Takuinnahugit	37
TAKOYAKHAT OVATIANGINARQ.....	38
Bourinot’s kutigut Maligakhainnin Takoyakhath	38
Robert’s kutigut Maligakhainnin	40

UQAUTIGINIAQTAIT

Makpirak tamna eloakhiyaovok tonihijutaoniakhoni tohaktakhanik katimayinot holi hamletmi havaktonnot tahapkoat eloakhihimayaoyot katimatitnikmik katimayit katimatilogit Nunavut nunangini.

Maliktaokataktot piyaohimayot tapkonagat pingihonit:

Nunatiami Maligait, piloakhogo *Hamlet Maliga*, 2014 holilo tamna *Aktohimaloakhogo Maligak 2014*;

Pirayakniknot maligat eloakhaktaoyot nunaliit katimayinginit; holi

Kanatami Maligaliortingita Maligat maliktaokataktot katimatilogit katimatilogit.

Maliktaogiakaktot okaohioyot eloani:

- katimatitigiaknik
- katimaniit katimayit katimajutigiyoknaktai
- niroaknik holi katimaniit titirakpaliarotaoningi.

Holi elaoyot, maliktaoyoknaktot eloakhakhogit katimaniop titikakhangit tahapkoat katimajutit, katimajutiviniit holi pirayakhanot atoktot maliktanik okamajutaovot. Takoyahat katimajutikhak holi katimajutivinik holi eloayot.

Katimajitit hangitikaktitaoyot elayoknakhogit tapkoat *Hamlait Maligak* atokhogit maliktaojutit eloani pirayakhani maligani katimanik matoiktaokpat, kamagilogit

aolanigiit katimayit holi aolatilugit tahapkoat katimajitit katimajutigiyangi. Tapkoat maligat, kihianik, okpirilogit maligakmiitot qulaanungarahoangilotik titirakhimayoni *Hamlet Maligata* eloaniitot.

Atoktaokataktot amayhonit, nunagiyaoyoni katimayit atokataktot titirahimataktunnik Kanata gavamangita atoqataktanginik maligalihimayonik. Atoktaonginaktot nunalikni katimanikot tapkoat *Robert-kutigut Maligakhainnin (Ihuaqhaqtaaqhimayuq titirauhia)*, holi *Bourinot's Rules of Order*, *Auer's Kanata gavamangini atoktaokataqtut* holi *Kerr and King's Malikgutit mikhanot Katimaniit holi Katimayit*. Tapkoat naliat *ekayoronaktok katimayit katimaninginik eloakhailotik maligalionikmot*.

Kanoriniakningi tahapkoat ajigiikniangitot naliatoinak ekayorotioyok makpirak atoktaoyok katimayinit. Maliktaoyoknaktot uvanni elihaotimi, ahigiyaolotik maligalioliniit, atahimagiakangitot takonagat Nunavutmi nunagiyaoyoni, ahingi atoronaktot kamalogit holiloniit pirayakhani maligat atoktaopata.

Tapkonani maligalioriniit mikhanot, tamna makpirak atokhogo ehoangitok mikhanot *Hamlet Maligat* – not holi ahinginot maligat holi pigoayainot kamaloni nanaliit gavamanginot. Ehoaktok atoklogu tamna *Hamlet Maligat* holi ahingi nunatiaqmi maligaoyot. Holi ehoaktok okamakatigilohiok nunaliit gavangita piqoyaliriyi tahapkonani akhoronaktonni holi atokloaktonot eloaniitonnot nunagiyaoyop gavamangini.



ATOQATAINAKNIAKTOT TAIJUTIT

Tavaovot taiyaokataningita atingi takokataiknakniaktakhi tavvani Maligaoyoknaktommi.

Katimajutikhak	Katimajutikhak maliktaoyok katimatilogit takoyaokatakhoni katimayonot tamainot. Eloaniitot okaohiriyaoniat, kanoriliotikhat, holiloniit tamankmik.
Ekhivaotak	Tamna ekhivaotak (holilo ekhivaotaoyok, aknark ekhivaotaoyok holiloniit anggut ekhivaotaoyok) qulataniitok ehaomaloktilogit. Titiraktaovaliayoni katimatilogit, ekhivaotak hivolioktiyoyok katimayiotaoyonot.
Katimayiralaat	Katimayiralaat atayot katimayinot hamletmi tigoyaohimayot ehomaliorlotik tahapkoat katimayimariit havataita elaa tukiliokhimalotik titirakhimayokot. Katimayiralaat katimajutaokatakotot elikot katimalotik amihoikhogit katimanii.
Amiranirkhanot Ehomaliot	Amiranirkhanot Ehomaliot atokhogo atorahoakhoni ekayoktaonikmik tahapkonagat katimayikatiminit honatoinaknik ehomalohotik.
Ehomata Elaoyok	Tamna “Ehomata Elaoyok” katimatiralaak elaoyok elaojutikaktok qomokhimayomik havaktakarami holiloniit titirarvingmini. Taimaptaok, tamna Mayor taiyaokatakotot Ehomata Elaoyok elaoloni katimayiralaakoni.
Katimajutiviniit	Katimakatakhok katimajutiviniit titiraktaokatakotot katimatilogit. Titiraktaokatakotot kanoritonik okamajutigiyainik katimayiiit holi aipakakhoni katimajutimik, titirakhimalotik atinginik katimayaktokot holi titiraktaokatakhok katimayaktonngitot, titirataolotik okaohiyot holi angirotigiyayoyot, holi titiraktaolotik angirotigiyayoyot kanorilioktaoniat holi takihiotikot titirakhoni eloakhivikhangana holi taipkoat okamayot mahanot atii titiraktaolotik.
Nuutinnik	Nuutinnik titiqamiingnaknianik tokhirot tonniyaohimayok katimayinot katimatilogit angirotaokpat nironikot. Katimatilogit atoktot tapkonigat makpiraknik taiyaoyonik <i>Robert-kutigut Maligakhainnin</i> , Bourinot- <i>kutigut Maligakhainnin</i> holiloniit ahinginik aolatijutinik tapkaot Kanatami nunaliit nunangini atoktaokatainaktot okaohikaktot atoknirnik nuutiniit mikhanot.
Nuutaoyok (holiloniit Nuuniakta)	Tokhiniakhoni nuutikut ehomalogotigiyakhanik katimayit katimatilogit. Tamna tokhitok nuujutimik taiyaoyok nuutiyoyok.
Gavamanit Makpirat Attuktaokatakotot Maligamot	Eloaniitot maligialiit katimayikonit, enohkatiaknik holi elikohiit gavamakatilogo katimatilogit holi ahingi aolatitaotilogit ehomaloktimik atoktilogit. Tapkoak makpirak Rules of Order holi Bourinot’s Rules of Order atoktaokatakotot Kanatami gavamalirinikmik atoktilogit.
Hivoliokti Ekhivaotak	Katimatilogit tikoaktaohimayok ekhivaotakoyaoloni katimayit katimatilogit holiloniit katimayiralaakot katimatilogit. Katimayit katimatilogit katimavigikatakaminni, ekhivataokatakotot tamna Mayor.
Ahinot Niroakni	Honatoinak tunniyaohimayok niroaniakhoni ahimi niroarotikhangani katimatilogit.
Angikatigigotaoyok	Gavamat illuani oqaohik ehomagiyayoyomik angirotaohimayok hamlet katimayinginit holiloniit katimagiralaakunit, piluakhogo niroaknik.
Aipiktiyok	Katimayiralaakoni elaoyok katimatilogit aipiktok (ekayoknikot) nuutitipat ahia katimayi holi taiyaoloni “aipiktiyok.”
Katimayot Amihoningi Elloakningi	Katimayot Amihoningi Eloakninga atoktaogialik katimatilogit gavamakut kiinaoyanginot atoktaoyonik katimatikaktilogit. Tahaphoma mikhanot katimayit katimavikmiitot nahaktaokatakotot katimaniialiktilogit – tahapna Katimayot Amihoningi Eloakninga atoktaogialik.
Hivoliokti Titiravikmi	Hivoliokti Titiravikmi hamlet katimavingani ehomataoyok.

Eloani I: Ajigiingitot Katimaniit



Katimayit katimanigit Nunaliknot Matoikhimayot

Tamna *Hamlet Maligat* maliktitiyot tammakmik naliragat katimaviat holi atoktitigiakaktok tahapkoat katimanikmik katimaniit holi tukhitaonikmot katimatinanago katimanik tokhiktaokpat holi matoiriahimagialik nunaliknot. Tohaagiaromayot tamakmik katimayonik tohaagiaroknaktot, kihianik pavinarotikaromik.

Katimavioyok Katimatilogit

Katimavioyok katimayinot katigiakaktot nunagiyaoyop illuani holi holitoinak katimayoknaktot, katimavikhaat katimayikonik taiyaoloni.

Hivulliqpaaq Katimanikhaat Katimayitkut

Una hivulliqpaaq katimanikhaat katimadjutauyukhaq qaangiqtinnagu 28-nguyut ublut qaangiqqat Niruarnikhakkut Ublunga titiraqhimayumi Malikhugu Ilanganni 23 haffumap Hamalatkut Maligainni. Eloani 28 ublut eluani, katimavikhap ublua tainiakpa Mayorup.

Titirarqvingmi havaqatarqtot tonnihigialiit kinatoinarqmot takoyaoyoknarqtommmik titiqamik nigingayoknarqtommmik uplukhiot homongatilogo, uplua, holi homi katimaviginiaqtanik pingahot upluit katimaniahaktilogit.

Amihoningi katimayit katimavikmigiakaktot amihoningi ehoakniakmata holiloniit ahingnot katimajutaokataktonnut holiloniit katimanaktinagu katimakpata. Katimayit katimayaktoktot elluangipata, katimaniangitot.

Katimanaktilugu Katimaniq

Katimayit katimayoknaktot naliqpat katimavigikataqtangi ublua katimayinit taiyaopat. Hivolimik katimanik, katimayit ehomalioktot atoklogit angirotigiyaoyok holiloniit ublua taiyaoloni atoklogit gavamat atokataktangi makpirat atoklogit holi ublua tailogo. Tamna angirotigiyaoyok ubluanik taigiakaktok, ekaranga, ublohiotikut homongatilogo holi katimavioniak ehomalotigikataklogo katimagagaphi angirotigiyaoyok atoklogo okakhimayok qanga katimniamirohi.

Tamna *Hamlet Maigat* katimayit katimakataklohik ataohiiklogo taqirk ataohik. Katimanik katimayinot ongatanongaronangitok amihoninginik katimaniit.

Atauttimiuyumik Katimaniit

Una Maiya talvaluunniit ukuak malruk katimayiik ilaa katimatquiyungnaqtuk katimanguinnarnikhakktut. Katimatquiniarumik haffuminnga katimanikhakktut ilaa titiqqakktut tukhiqtuqtauyukhaq talvalu tuniyayukhaq uvunnga Atanilluangannut Aulapkaiyitkunni Havaktianut (SAO-kunnik taiyauvaktut). Una SAO piniyaqtuq, tikitinnagu 48-nguyut ikaarningat, ilihimapkailutiglu humunngaqtumilu nanilu katimaniaqtut talvalu hunamigliqaak uqautiqarniarumik uvani katimanguinnaqtuni ilaa titiqqamik atahimayukhamik naunaipkutarmik ilaa takuyayungnaqtunik havagvingni hamalatkut havagvianni talvalu tuniyauluni una aadjikkutaq titiraq uvunga atuni katimayitkunnut. Ahiit uqautayumayut uqautigiyayungnaqtut katimaliqqata talvainnaq ilaa tamaita katimayit katimaqataukpata talvalu angiqhimakpata tamaita haffuminnga uqautiqarumayumik uqaqqata.

Katimanik Ehoaktomik Katimanigni

Honatoinaknot katimanik atoktaotilogo takoyaoyoknaktok ehoaktomik atokpat tapkonigat malikpat:

- katimayonot toharotioyok toniyaohimakpat katimayinot;
- katimayit amihoningi eloakpata;
- ehomataokataktok katimatilogit katimakataokpat; holi
- Taimna titiraqatakti katimatilogit katimajutioyonik katimavikmipat.

Upalungnarnikkut Katimaniit

Kinaliqaak katimayi katimatquiyungnaqtuq upalungnarniqaqqat ilaa una katimayi ihumakpat upalungnarniqaqqat uvani hamalatkunni. Naunaiqhiyukhat humunngaqtumilu nanilu katimaniaqtut talvalu hunamigliqaak upalungnarniqaqtumik uqautiqarniarumik ukuat katimayitkut.

Tahapkuat katimayitkut katimaqatauyut upalungnarnikkut katimaniannik ilaa katimayungnaqhiutiginaqtaat. Ukuat katimayitkut piyungnaqtut, upalungnarnikkut katimaniannik, uqarungnaqtut nunamingni upalungnarniannik ilaa tamainnigluunniit ilangannigluunniit hamalatkut ukunani titiraqhimanianni *Inuqarnini Upalungnaqtunik Uuktuutaitigut Maligainni*, talvalu hapkuninngainnaq upalungnaqtunik uqautiqainnaqtukhayuttauq.

Ilikkuurnikkut Katimaniit (Ahikangilotik katimanik)

Qakugunnguraangat, hunalliqaak uqautauvaktut ilaa umikhimavangniaqtut inungnut talvaluttauq, pigiaqtitaunikkut, umikhimayumik katimatquiniaqtut ilaa uqautigiyumayamingnik uqautiqarlutik.

Nuutitilogik ahikangilotik katimayomalotik:

Tamna (okamarotaoniak) ehommalogotaoloni ahikangilota katimalota katimayioyogot.

Nuutaoyurq aivaotaoyuknarqturq, kihianik illayaoyuknangiturq, holi niroaqtaogialik 2/3nit. Tohayaonatik katimaniit tararqhimayonik namminirmut kihianik holi oqaochiriyaniit

qanorilioqatigilogit ahinginot havaktaop mikhanot holi mikhainot havaqatiit illanganik. Katimayit qakutikut kihianik matohimanirq katimaqarqnirq mikhanot ammihonik matohimanirq katimajuti ahingi ihomalironarqtot ihomaalogotigiyaoyuknarqtonnik holi ihomayuknamata mikhanongiturq. Matoiqhimayot katimaniit tunnititiqatarqtut tammaintot ohayaoyonik tohaktakhanik nunavigiyaoyoni.


Oqaohitaqpata oqaohiriyayomayot matohimayomi katimanirqmi, nuutaoloni tahapna matohimayomi katimanirq. Tahapna niroaqtaoloni avionani holi angirqtaokpat, katimanirq utirqloni katimajutinot.

Katimanirqmot utirqniahaktilogit katimanirqmot oqarqtoqarqloni

“Katimayit katimanikmot uttiktot ublohiot (homongatologo)”



Eloani 2: Atokninga Katimayionikmot



4

Haglonginikot

Katiyongiahaklotik niroaktaoyot, tamna Mayor holi katimayioniat elikot katimayingotot haglotailinikmik atiliorialit. Ehomataoloni titirakti tahapkongat kamagiakaktok atoktaonginaktomik. Tamna atorialik atilioriaqakhakot holi pihimaniakpa titiraktiop titirakvingmini. Atiliorialik elihimaniakpok elluani katimajutiviniit, ataotimiinaikmata atilioktaviniit.

Katimayot Amihoningi Eloakningi

Taiyaoyok 'quorum' taiyaonik Latin okaogingititot tokikakhom "kina". Katimatilugit katimavikmi, tokikakhoni kaffinik amiholotik katimayit tammaniitpat, ammihonigi eloariakaktot katimaniahaktilogit.

Mikhanot nunaliit, atokatakotot elluaninginiik tammani nappani 50% tamainit katimayit holi ataohikmik elalugit. Katimanikpata amihoningi atotaoniangitok holi titirakot atoniangitok.

Haglonginikot

Ovanga, _____, atokponga atokloaktomik holi okatiakkonga haklongiloga (angiloni) uvanga, okpiriyaonikot holi atotiakniakpakat kaoyimayakat holi elihimayakat atotiakniakpakat Katimayiolonga Hamletngani Kimmirut. Guuti ekayonga.

Katimayi

Kamihana Haklotailinikmot

Katimayi katimatilogit anninikpat kiinaoyait mikhanot atoktaoyonik pihongiloni, tamna katimayi amihoningini kamahongipat nahataoninginik katimayit amihoninginik.

Katimayot amihoningi elloakningi *aktotaohimangitot* katimayit atayot amihoningi nammangipata. Takongoaklogo, katimayit 9ngopata, katimayot amihoningi

eloakningi 5ngugiakaktot. Hitamat katimayit katimayionikmik anikpata, holi talimaogiakaktot amihoningi.

Katimanik pigiaronaktogaloak amihoningi namaktilogit, amihoningita holi eloakatangitot. Ataohikloniit holilo elakakloni anikanoariakaktohaovot katimatilohi. Naliatoinak atoktaopat ammihoningi eloaroiniaktot holi eloaroakpata tahapna katimanik onigiakaktok.

Tamna Mayornguyok kaoriharialik tapkoat katimavikmiitot amihoningi eloaktot. Amihoningi eloangipata, tamna Mayor katimagiaknikmik oniktigialik amihoningita katimayiit eloangimata.

Hivoliokti Katimatilogit (Mayor)

Tamna Mayorngurok ehomataokataktok katimayit katimalirangata. Tamna Mayor katimaronik katimatitiakloni holi atoktitiloni tapkonigat maligialiknik gavamakut maligiangi katimatilogit atoktoayot.

Tamna *Hamlet Maligak* tokhikhimayok tapkoat katimayit maliklotik gavamat malikataktanginik maligaknik tamna ehomataoyok niroaroknaktok katimayit katimatilogit.

Mayornguyok ekhivaotaminik qimagoknaktok ahiinik kamagiaqaroni katimaniknik ahianik holiloniit ahianot. Taimailiknikpat, tamna Mayor ahiminik katimayimik taihiniakok ehomatakhamik tammaniikonangikoni.

Toklia Mayornguyop

Elaoyok hivolioloni atoktaokataktok nutaaqnut katimayihaknot, pipak atoklogo atipnik titiraktarovit, tikoaktaogiakaktohi Mayornguyop tukglihaanik.

Tamna Mayornguyok havaguknangipat havaktakhakaloaknikmot, tamna Mayornguyop

tuglia hanginikakpok ajianik Mayorp tamna aulakhimatilogo. Ajiginanga, Mayorp tuglia havagunangipat havaktakhaminik, takoat katimayit ahianik tikoakhiniaqput hivolioktihaoniamik katimatilogit tamna tikoaktaohimayok tuglik havaktakhainik havakloni.

Tamna Mayornguyok ehivaotani qimakhimaviani, tugliriyanga tamna havagiakaktok Mayornguyop havakataktanginik taimailoni kihianik Mayornguyok aulakhimaningani. Mayor otikpat holi havaktaminot otikloni.


Atanilluaq Aulapkaiyini Havakti (SAO-kunnik taiyauvaktut)

Una SAO havaktiuyyq hamalatkunni talvalu havaktakhait titiraqhimaniqaqtut Hamalatkutigit Maligainni. Una SAO ilaa munaqhilluaqpaqtuq katimatquivagluni katimayitkunnin, uqautigivaglungigillu naammagiyauyutigit pitqunikhaatigullu katimayitkut kitunulliquaak talvalu havaaqaqpagluni havagviup havaanginnin.

Una SAO katimaqatauvaktukhauyuq tamaat katimayitkut katimaliraiqpata talvalu katimadjutinik titiraqpagluni, naunaipkutaqanngilluniluunniit uqauhiqanngilluniluunniit, tamainnik naammagiyauyunik, ihumaliuqtauhimayunik talvalu ahiit pitquhiriyaita katimayitkut. Pitquhikhait piyakhariyait uvani katimayitkunni katimadjutainni uvani naniyauyungnaqtut Parnaiyarninganni Katimadjutit ilanganni haffumani maliktauyukhani. Uuktuutit katimadjutikhat ilagiikhimayut uvani Atahimanianni D.

Una SAO ilaa munariyaqaqtukhauyurlu naunaipkutalingnik maligainnani atiliuqhimayutigit ilaa ilaqaqtunik aadjikkutaannik tamaita maligainnakhait hamalatkut.

Eloani 3: Katimadjutikhaq



6

Pitquhikhaa

Katimadjutikhaq piyauhimayuq uvannat Latin-kunnin taihiniat tukiqaqtuq “hunalliqaak ilaa iniqtiqtukhauyut”. Una katimadjutikhaq iluaniittuqaqtut kitunigliqaak uqautauyukhanin talvani katimanirni. Ihumagiyaulluqaqtuuyukhat ilaa parnaiyariiqhimayunik katimadjutikhaqaqtukhat atuni katimaliraangat naunaipkutigilugu ukuat katimayitkut ihumagiyaat ilaa uqautauttiarniarumik nakuatuuqhutiglu qilamiglu havaariyauniarumik. Nakuutqiyauniaqtuq ilaa katimayitkunnut katimadjutikhanik piyariiqhimagumik katimaliqtinnagit katimayitkut.

Una parnaiyattiaqhimayuq katimadjutikhaq ilaa nakuatuurutiginiaqtaa haffumap Maiyanguyup ilaa ikhivautaniarumi katimayitkunni. Talvaluttauq ilanganni, hapkuat katimayitkunni katimayit tuniyauhimavakkumik naunaipkuttanik kitunigliqaak uqautauniaqtunik katimaliqtinnagit, ilaa parnaiyattiaqhimalutik uqautiqattiarungnaqtut taimaatut ihumaliurutigiyauyukhanin. Unattaq ilaa ikayuutauniaqtuq tahapkuat kitulliqaak ihumagiyaulluqaqtut uqautauyukhat ilaa puiguqtauyungnanngittut talvaniitkumik katimadjutikhani.

Qanurittunigli talvalu qanuridjuhikhaallu katimadjutikhap ilaa qanurittuuniaqquut haffumap hamalatkutigut pitquhirivagainnin, talvalu

ilauqatauyutigut katimayitkunni talvalu una SAO-
nguyuuq qanurinniaqqat ilaa. Katimajutikhah
titirakhimakataktot takoyakhai illuani

Atikhaalu Hivuliqpaamiittukharlu

Haffumap katimadjutikhah atialu
hivuliqpaamiittukharlu titiraqhimayukhaq
taamna titiraq katimadjutauniaqtumik
katimayitkunni, atialu hamalatkut, ublunganiglu,
humunngaqtumilu nanilu katimaniarnikhaannik
ilaa tahaffumani katimadjutikhah
titiraqhimayukhauyuuq.

Katimajutihah

Hamma titiraqhimayut kitulliaqaak pitquyahimaniit
iluaniittut talvalu pitquhikhaalu katimadjutikhaup:

- Atikhaalu Hivuliqpaamiittukharlu (ublua,
humunngaqqat, talvalu naniinniaqqat)
- Katimatquinikkut
- Angirutait Katimadjutikhah
- Angirutait Katimadjutiviniit
- Kitulliaqaak Uqautayukhat Katimadjutinin
- Uqauhiriyayukhat
- Katimaqatauyukhat
- Titiqqiqiniq
- Kiinauyalirinirmut Unipkaangit
- Katimayiralaatkutigut Unipkaangit
- Havaktit Unipkaangit
- Tikkuuqtuiniit
- Nutaat Uqautayukhat
- Maligainnakhat
- Kangiqhipkauhiit
- Taimaaqtiriniq

Katimatquinikkut

Una maiya katimatquiyukhauyuuq ilaa imaatut
uqauhiqarluni: “Hamna katimanikhaq tadjah
katimadjutauyungnaqhivut.” Una Maiya
tahamaniinngitpat, una Katimatquiyungnaqtuuq
Maiyap tugliriyaata.

Atuliquiyungnaqtut Katimadjutikhahin

Hamna katimanikhaq ilaa hivuliqpaamik
ihumagiyakhaqaqtukhat ihumagilugu
una katimadjutikhaq. Una Maiya
apiqhinaqtuuq kitunulliaqaak katiqatauyuni
katimayitkunni uqauhikhaqaqpaalliqarumik
iliyayukhamik katimadjutikhahin.
Ukuat katimayit ihumagigumikku
katimadjutikhaq ilaa malittiaqtauluni
piyayukhaq, una Maiya pigiaqtittiquiyukhaq
atuqilirluni katimadjutikhahin.
Talvangaat, una katimadjutikhaq
naammagiyauluni piyayukharluunniit
ihuaqhivaalliqtauyukharluunniit pitquhikhaanin.

Una katimadjutikhaup ilaliutigihimavangaat
katimadjutikhatigut talvalu katimadjutiit
makpiraniittukhauvuq. Tamaita uqautayukhat
katimadjutikhahinittut ilaa nanminiriliqpagaat
katimayitkut. Kitunigliqaak aallannguqhiniannik
atuquyahimayut katimadjutikhaq ilaa
pigiaqtitaitiqatukhaq katimayitkunni.

Atuni uqautigiyayumayut katimadjuminiittut
ilaa uqautigiyauiniaqtut katimayitkunni talva
kihimi hapkuninnga pinngitpata:

- pigiaqtitayuuqanngitpat;
- uqaallaktuqanngitpat
ungavaquinikhakkut ukunangat
ikayuqtumin kituminliqaak
talvaluunniit kitkunniluunniit;
- pigiaqtitauhimakpat
ungavaquihimaluni
uqautigiyayukhaugaluamit
katimadjutikhahin talvalu

aniguqtitauhimataaqhimayumin;
talvaluunniit

- una katimaniq katimadjutigivikhaat avatquqpat ilaa uqautigiyungnaqhi-tinnagu.

Taiguarningallu Angirningallu Katimadjutikhap

Ukuat katimadjutikhat tuniyautaaqhimakpata katimayitkunnut katimaliqtinnagit, taiguqtauyungnangittut katimaliqqata. Una Maiya apiqhiyukhaq ihuinaaqtuqaqhimakpat talvaluunniit ungavaihimayuqaqqat katimadjutikhanin.

Ukuat katimadjutiviniit kingullirmit katimaniannin ukuallu katimadjutingit kitulliqaak katimakainnarutigihimayainnin ilaa angiqtautaaqhimayukhauyuttauq.

Ilihautikhat ihuaqtumik ihuaqhainikhakut katimadjutinik talvalu pigiaqtitauhimayunik angiqtaudjuhikhaannik katimadjutip uvaniittungnaqhiyut Parnaiyarnikhaanni Katimadjutkhat ilanganni haffumap maliruarutip.

Uqautauyumahimayut Katimadjutingminngaqtut

Kitulliqaak uqautauyumahimayut ilaa kinguvaqtauhimayumin kingullirmit katimanirmit talvaluunniit uqautauyumahimayugaluaamit kingullirmit katimanirmit taiyauvaktut “uqautauyumahimayut katimadjutinginnit”. Ilihimmattiaqtakhariyaa uumap kitubliqaak katimapkaiyup ilihimapkaqulugit katimayitkut haffuminnga uqautauyumahimayumin ilaa naunaitqiyamin ilihimayubarungnaqhingmat haffuminnga illittuqhaunmin.

Uqautauyukhat

Qangannguraangat, ukuat katimayitkut ilitariyumahimaniaqtut hivumuuritigihimayaanni kitubliqaak, katimayilluunniit timinilluunniit. Hapkuninnga quviahuutinik piliqpagaat katimalihaaliqtillugit ilaa una aittuqtaunahuaqtuq utaqqikhaangitkaangani ilaa ahiit uqautauyumayut uqautautinngagit.

Katimayaqtuquyauhimayut

Katimayaqtuquyauhimayut hivuraanunngaqpaktut katimayitkut ilaa nibliutiqarumagumik uqautigiyumayamingnit kitunigliqaak tuhaqublugit katimayitkut. Una katimadjutikhaq titirarniaqqtukhaq atianik taaffumap inuup inuilluunniit uqarviginahuaqtaat katimayitkut, katimayaqtuquyauhimayuup uqauhikhaalu qanurlu hivitutiginiarmangaat ilaa tuhaqtauyumanirminit.

Ukumatut uqautigiyayukhatigut, katimayaqtuquyauhimayut uqaqtitaulraaqpaktut katimalihaaraangata ilaa kitulliqaak uqarumayut katimayitkunnut utaqqikhaaqqunnginnaptigit.

Ukuat katimayitkut atuqiyungnaqtut pitquhitigut maligainnakanik ilaa qanurli hivitigiyumik uqaqulaaqqagit katimayaqtuquyauhimayut. Una taimailiuhimakpat, una SAO kangiqhipkaiyakhaat kituliqaak/kitkulliqaak uqarumayut katimayitkunnut qanurli hivitigiyumik tukhiqturungnaqtuq ilaa iliyaugiangani katimadjutikhamut.

Unattauq pitquhitigut maligainnakanik ukuat katimayitkut atulirungnaqtaat ilaa katimayaqtuquyauhimanikkut titirarvigiyaulutik titirakaffuinnaqhimatulutgluunniit uqautigiyumayainnik piyariiqhimagumik katimaliqtinnagit. Qanurliqaak, katimayitkut ilihimayukhauyut ilaa hapkuat maligakhait ayurnaqpallaaqqata, ilaa uqarumayut uqarumanianninnikhavut katimayitkunnut.

Titiqqiqiniq

Una katimadjutikhaq titirarniqalaaqtulluunniit aadjikkutaqarungnaqtulluunniit titiqqanik titirarvigiyauhimagayunut katimayitkunnut uvungaluunniit Maiyamut. Una katimadjutikhaq uqaqhimayukhauyuq kitubliqaak titiraqhimayaa talvalu humiliqaak uqauiqariakhaatalu. Titiqqat ilaa atauttimuktuqtauyungnaqtut malrungniirlutigik havaariyungnaqtaat uumap SAO: ilittuqhautainnaugumik talvalu kitulliqaak ilaa havaktauyukhauyut katimayitkunnin.

Ilittuqhautainnakhat titiqqat ilaa havaktauyariaqanngittut katimayitkunnin. Atuni titiqqat ihumagiyaqariaqanngittut ilaa katimaliraikpata; qanurliqaak, kinaliqaak katimayi uqautigiyumagumiuk ilittuqhautainnarmik, una katimayi uqautiyariiqtakhaa una hivunniyuq katimapkaiyuq (Maiya) talvalu ilaa tahamna uqautigiyauniaqquq. Kitulliqaak katimayitkunnin uqautigiyumanngitpadjuk, pigiaqtitaunikhaat anigurniaqtuq ilaa piyariiqhimayailu tutqurniarailu tamaita ilittuqhautit titiraqhimayutigut.

Una titiraq ilaa uqautauniarumi talvaluunniit havaariyauyukhaugumi katimayitkunnin, titiraqhimayukhaq ataani haffumap “Nutaat Uqautauyumayut.” Ilaani titiraqtauhimavaktut Titiqqat ilanganni talva kihimi taiguqtauyiuttut hivuraanunngaqtinnagu ataani haffumap “Nutaat Uqautauyumayut.”

Nuutaonik Titiqanik Piniakhoni
Titiqqat tamaita piyauniarumik, ilaa atauhirmut pigiaqtitaqatukhauyut:

Tahamna titiraq piyauluni talvalu tutquqtauluni.”

Kiinauyalirinirmut Unipkaangit

Hapkuat tatqiqhiutikkuuqtuni kiinauyaqarvingmi naahautait ukualli kiinauyatigut

naunaipkutailluunniit naunaipkutillu niuvirnikkut akiliqhiqattarnikkullu ilaa katimadjutini itpaktut. Hamalatkunni, hapkuat katimadjutauyukhat tatqiqhiut tamaat, ilaa katimayitkut nakuatullu kangiqhinattiaqtumiglu ihumaliurutigiyakhait talvalu kiinauyatigut pimattiarnikharingmadjuk hamalatkunni aulapkainingannik nakuuyumik.

Katimayiralaatkutigut Unipkaangit

Tamaita katimayiralaatkutigut unipkaangit titiraqhimayukhauyut katimadjutikhami. Nalliqtuqtauningat ukuat katimayiralaatkut ilaa naalaktauyukhat, una hivunniyuqti (Maiya) uqaqulraaqtakhait tahapkuat ilaa piqpagiyaqarnikkut unipkaakhaqarumik. Kitulliqaak unipkaakhat piqpagiyaqanngitpata, kitulliqaak katimayiralaatkut unipkaangit ilaa utaqqivakhimayut kingullirmit katimanirmit tuhaqtaulraaqtukhauyut.

Katimayiralaatkunni unipkaangit ilaa titiraqhimayukhat, ilaa titiqqap aadjikkutaa tutquqtauyariaqariangani ukuallu katimadjutiit ilagilugit.

Pigiaqtitauyariaqanngittut katimayiralaatkut unipkaangit ilaa angiqtautaaqhimangmata katimadjutikhaq talvalu ilaa una unipkaaq ilaa tuhaqtauniarmattauq. Una unipkaaq aadjikkuhiuqhimakpat, una ikhivautalik taiguaqariaqanngitaa hamna unipkaaliuqhimayuuq.

Una ikhivautalik uqautigiyumaniarungnaqhivaa pitquyauhmaniit unipkaami talvalu kiuyumaniarungnaqhivaa apiqqutit. Tamaita apiqqutit kiuyautaaqqata, una katimayiralaatkunni ikhivautalik pigiaqtittiyungnaqtuq kitunigliqaak pitquyauhimaninik ilaa kivgaqturlugit katimayiralaatkut.

Ihuaqhivaalliruit pitquyauhimanirni ilaa tukhiqtuutauyungnaqtuq kitumilliqaak katimavingmiittumin. Tamaita pitquyauhmaniit

uqautautaarumik, pigiaqtitaunikhat piyauyungnaqtut nakilliqaaq natirmiittunin ilaa uqautigiyaqaqtumik haffuminnga unipkaamik talvaluunniit havaariyaanni katimayiralaatkunni ihumagiyauningannik.

Havaktit Unipkaangit

Qaffiuyulliqaaq aulapkainikkut havaktiit tadja hamaniittut unipkaaliuqpaktut katimayitkunnut atauhiiqtuqhutik tatqiqhiut tamaat. Ilagiblugit kiinauyatigut naunaipkutait, immaqaaq, una uuktuutigilugu, unipkaaliuqhimayait SAO-nguyup, hanayitkut ataniannin, uvanngaluunniit ulapqipkaiyut aulapkaiyiannin. Hapkuat unipkaat atahimayukhat katimadjutikhamut.

Ilaa unipkaaliuqhimayungnaqtuugaluit uqaunnakkut, imaatuinnaq ilaa una unipkaa q ihuaqhaqtauyungnaqturluunniit atuliqtauyungnaqturluunniit, ilaa titiraqhimakpat. Una ihumaliurutigiyauyungnaqtuq haffuminnga uqainnakkut unipkaaliuqhimayuq ilaa tuniyauhimakpat talvaluunniit titiraqtauhimakpat. Haffumuuna, ilangat uqainnakkut unipkaaliuqhimayuq ilaa pitquiniqaqtuq timinut pitquhikhaannik haffumap unipkaap.

Haffumani katimanirmi, katimayitkut ilittuqhaiyungnaqtut naammagiyaayunik pitquyauhimanikkut ilaa uvani unipkaaliuqhimayumi itpata.

Tikkuaqtuiniit

Hamna ilanganni katimadjutimi piyauyungnaqtuq ilaa tikkuaqtauniarumik katimayiralaatkunnin katimayiinin, Maiyap tuglia talvaluunniit havakaffuktuq SAO-nguyup inaani ilihimattiaqtauyukhaq naammaguhungnikkutigit katimayitkunnin. Tamaita tikkuaqtuiniit ilaa naammaguhungnikkut piyauyukhat.

Nutaat Uqautigiyaayukhat

Kitulliqaaq uqautayumayut uqautigiyaayumaniarungnaqhiyut titiraqhimayukhat hamani. Kitulliqaaq uqautayumayut katimaqatauyaqtuqhimayuni titiraqhimanikkulluunniit piyauhmayut katimayitkunnin ilaa uqautauvaktut haffumani ataani.

Una katimayi katimayitkunni uqautayumayuni ilihigumi katimadjutikhami ilaqarluni naunaipkutikhanik, haffumani ilaa havaariyauvakput.

Angirotinga Katimayiralaat Titiqaini

Una katimayiralaap unipkaangit ilaa *atuliqyayuyariittut*. Ilaaninnnguraangat ilaa katimayut atuquiliqpaktut tamainnin unipkaani. Atuliquiniq pigiaqtitauhimanirmik ilaa aktuutiqarniarmat tamainnik unipkaamiittumin – ilagiblugit piqpiqahimayut talvalu hulilukaarutaillu – ilaa nanminiriluniuk. Katimayiralaatkut unipkaangit piyuminanngitpata katimayitkunnut amigaitqiyanut, una katimayiralaatkut ihivriuqyayungnaqtut havaariyamingnit ilaa tahapkuninnga tuhaqtautaqhimayunin.

Maligainnakhat

Una katimadjutikhaq naittumik titirauhiqarniarungnaqhiyut maligainnanik, talvaluunniit tatamayumik aadjikkutaanik maligainnaup hailiyungnarniaqtuq katimayitkunnut tikitinnagu 24 ikaarniriit katimaliqtinnagit. Tamaita maligainnait atuliqtauyukhat taiguaqtauyukhat pingahuiqturlugit pingahuni atuniiqturlugit.

Ukuat katimayitkut taigurumagumikku maligainnakhaq pingahuiqturlutik uvani katimanirni ilaa tamaita katimayit ittukhauyut talvalu angiqatigiiktukhauyut pingahuannik taiguutiginiaqtaat naammaguhungnikkut. Una maligainnaq atiliuqtauhimayukhaq SAO-kutigut Maiyablu talvalu naunaipkutiqattiarutaanik hamalatkunni kuaparisat.

Kangiqhipkauhiit

Ilaliutilugu humunngaqtumilu ublunganilu katimaffaarutikhaat katimayitkut ilaa ilaliutigiyauvaktuq hamani. Una katimapkaiyuq uqaqtittiyukhauyuq katimayiralaatkunni ikhivautaliit ahiillu kangiqhipkainikhaanni talvalu ilaa inminik kangiqhipkaiyumayaminin. Naunaipkutat hulilukaarutikhatigut ilaa ihumagiyungnaqhiyaat katimayitkunnut ilauqatauyungnaqtullu uvani ilanganni.

Taimaaqtiriniq

Hamna katimadjutikhami uqautauyukhaq naunaipkutauniaqtuq ilaa katimayitkut taimaaqtiriniannin talvalu pigiaqtitauhimayukhaq taimaarumalutik aniguqtauuyukhaq. Una pigiaqtitauhimaniq taimaarumanikkut ilaa “pivigiyauullaqtuq” pigiaqtitauninganin ilaa ihuaqhaqtaulimaitturlu uqautigiyaulimaitturlu. Aniguqtauqpat, una ikhivautalik uqattiaqtukhauyuq ilaa tahamna katimanikkut taimaaqtiqtukhauyut.

Hivitunia katimaniup ilaa maliktauvaktuq pitquhitigut maligainni. Una katimayitkut katimakhaarumagumik ilaa naammaguhungnikkuurlutik katimayungnakhaaqtut ilaa aqagunnguqqat, ukuat katimayitkut taimaaqtirungnaqtut naammaguhungnikkut ilaa katimaffaarumagumik aqagunnguqqat.



Eloani 4: Pitquhirilluaqpagait (Pigiaqtitauhimaniit)



12

Pitquhirilluaqpagait Pigiaqtitaunikhakkut

Pilluarutigivaat katimanikkut ilaa takunahurritugit ihumagiyauyulluunniit uqautigiyauyumayulluunniit ilaa tukhiqtuqtauyut, ihumagiyauyut ihumaliuqtauyukhallu. Tamaita uqautigiyauyumayut nakuatut illituripkaqtauhimayukhat pigiaqtittinikkut. Una pigiaqtitauhimaniq pigiaqtitauhimayukhaq aippiqtauhimalunilu ilaa uqautigiyauniarumi tahaffuminnga uqautayumayumi. Una katimapkaiyuq uqautigiyakhaa pigiaqtitauhimaniq talvalu uqaquiyungnaqtuq uqautigiluguluunniit tahamna uqautauhimayuq.

Una katimapkaiyuq uqaqatauyungnaqtuq pigiaqtitauhimayumin ilaa ikhivauttani

tunitaarumiuk Maiyap tuglianut talvungaluunniit ahinut katimaqatauhimayumut, uvani Maiyap tuglia huitpat. Una katimapkaiyuq utiffaarniaqtuq ikhivauttaminut uqautigiyatik uqautigitaarumikku.

Pigiaqtitauyukhaq pigiaqtitautaaqqat, ilaa uqautayungnaqhinaqtuq talvaluunniit akiraqtuqtauyungnaqhinaqturluunniit. Hamna uqautayyuq ilaa munarittiarniaqtaa uumap katimapkaiyup. Ilaa atuqtauqattaqpaqtuq atuni katimayitkunni, pigiaqtittihimanngittup ahiani, atauhiirlutik uqautigiyungnaqtaat atuni pigiaqtitauhimayutigut.

Takulugu Atahimanianni F ilaa kitulliqaak ilaayukhat pigiaqtitauhimayumin uvani katimadjutini

Atahimanianni F uuktuutikhaqaqtut tamainnin pigiaqtitauhimaniinnik ilaa nalvaaqtauyungnaqtut uvani titiqqani.

Ekhivaotak Katimatilogit

Tamna ehomataoyok katimatilogit tahapna katimanik aolatiakologo holi aolatilogit aivalirangata apikhotikot. Tahapna atokhogo tamainot atotaoyoaknangitok kihianik elitaokataktok. Unna makpirak titirakhimavok atoktaoyoknaktonnik katimayionikmik atokniakmat ehoaktommik.

Kaoyimagiaklogit maligiakaktot.

Tahpakoat maligiakaktot katimaniknot kaoyimalirahoaklogit. Atoktaonginaktok katimayinot nunalikni Kanatami atikaktok Roberts Rules of Order; kihianik ehomagigiaklogo tamna atoktaonginaktok nunaliknit angiyotit atoktaloaknatik mikiqiyaoyonot. Elitarihimalogit maligialiit ehoaktommik katimanikakniakmat aivanikot, holi tohanahoakataklogit ehomagiyai ehomavit ajigingipago.

Eloakhihimalohi.

Havakatigilogo titiraqti, eloahaningagot katimajutikhak kaoyimaniaravit okaotaoniaktonik matimalikpata.

Katimavioniaktommotngalotit Katimaniahaktilogit.

Katimavikhaop ekaranga tikihimatilogo katimagiaklohi. Katimayit katimavikmiiliktot ehoarotikangimata otaqinikmik ahinginik katimayinik. Tahapkoat aivajutaoyot kamagitiaklogit. Katimayit ataohikmot otiinakatainakpata, matimanik katakatakot holilo okaohiriyagni katimayit. Ataohik okamayotaonginakpat, tamna okaohiorok naikglilogo holi apirilogit tikoaromakpata eloanot atoroknaktomik. Okalangipata, niroakronaliktokhaovot katimayit holi nuutaugiakologo.

Katimayot Tammakmik Ehomagilogit.

Katimayinot elaolotit holiloniit katimayiralaatkuni, ehomataoyok hanginikaktok tahapkonigat okamajutaoyonik. Kaoyimaniakpotit tahapkoat angirotigiratit katimayotigiyat atkotarotigiranginot tapkoat katimayot, holi atongilogo katimajutigiyayoyok ellvit nammininot atangitok. Katimakatigiyatit elaopkaraHoakataklogit katimatilohi atkonarotigilogo alaaniik ellai okamaloakatangimata, elaanik ataohikloniit marrukluniik okamaloakatatok.

Hivonikhamot Katimayot Maliktilogit.

Elaatnik katimayotikhat ahianogakhoni ayonangimat katimatijutikhaop elluaniingitonot. Ajigiyanga, katimayit okamalikatakot katimayjutit ahiinik, tapkoat ellai katimajutiniitonot okamanahoaktilogit. Katimanik maliklogo.

Itkaomalotit Elaoyotit Ammirakttonni Tammaniitonni.

Tamna ekhivaotak katimayioakataoyok katimayini holi katimayiralaakoni. Ehomataoyok hanginikangitok mikhanot ehomalioktaoyonot. Ehomataoyok ataohikmik kihianik niroarotikaktok, ajigilogit katimayikatiminik.

Ahinuktittiniit

Ilaaninnguraangat, una inuk, una pigiaqtitauhimaniq, talvaluunniit uqauhikaffuutauhimayuq ahinuktittihimayauniaqtuq talvalu maliruarungnanngittunaqhiyaat angiqtauhimayut pitquhikhatigut. Hamna

ayuqhautigiliqpakpaa uumap katimapkaiyup ilaa nutqaqtittiyungnaramiuk katimaniq talvalu pittiaquilugit katimayitkunnik pivangmallu. Hamna taimailiuqqat, una katimapkaiyuq qilamik haffuminnga havaaqaqtukhaungmat talvalu atuni hapkuninnga uqautiqaqtukhaungmallu: hivullirmit, nutqaqtitailuni akiraqtuutauyumin ilaa ahinukkuuqhimangmat; aippaanin,

uqautigiluniuk hunali ahinukkuurutauyuq; talvalu pingahuannik, uqautigiluniuk hunali ahinuutauhimannigittuq.

Kinaliqaak katimayi uqautiqarungnaqtuq pitquinikhakut ilaa ilitturipkarnahuarlugu una katimapkaiyuq ilaa ihumagumi hunaliqaak ilaa ahikkuurutauhimayuq.

Avikturningat Pigiaqtitauhimaniit

Ilaani, una pigiaqtitauhimaniq uqauhiqarungnaqtuq ilaa ilangannik ikayuqtauyungnarniaqtuq talvalu ilanganni ikayuqtaulimaittuq haffuminnga aadjikkiiktup katimayiup. Una katimapkaiyuq nakuatuuqhimaniaqtuq apiqhigumi haffuminnga pigiaqtitauhimayumin ilaa avguqtauhimaluni malruulirlutik pigiaqtitaunikhaak.

Una uuktuutigilugu, una piqpianguyuq unauyungnaqtuq titiraqhimanianni:

“Uvagut niuviqhimayugut qaritauyamik uvanngat XYZ Computers Qaritauyainnin havagviup pikhaanik akiqaqtumik \$2000 ilaqaqhuni taaksinik talvalu igliqpingmiglu makpiraaqarviup igliqpikhaanik ukungannat Havakvikmi Attoktakanik-kunnin akiqaqtumik \$200 ilaqaqhuni taaksinik.”

Una katimayi naammaguhugiaqaqtuq niuviqtaukpat igliqpik, talva kihimi naammaguhulimaittungnaqhiyuq niuvrutaanik qaritauyap. Talvanngaat, una pigiaqtitauhimaniq malrunnguqtaugumik pigiaqtitinikhaatigut, talva katimayi pilluarumayaa naunaitqiyauniaqquq.

Nakuatuuqhimanngittut Pigiaqtitauhimaniit

Nakuatuuqhimayuqtauq katimapkaiyimut apiqhiluni haffuminnga nakuatuuqhimanngittumin pigiaqtitauhimayuq ilaa uqautauttiarluni taiguarnaqhiyukhaq. Nakuatuuqhimanngittut pigiaqtitauhimaniit, ukunatat, pitquyahimayukhaq “ahikkuuqtuq” ukunatigut katimapkaitigut:

Ahikkuuqtok?

- Una *pigiaqtitauhimaniq* ahikkuuqqat pigiaqtitauhimataarumi ilaa kingitqiyamnin pigiaqtitaqaqtukhautaata utaqqiyaupat.
- Una *inuk* ahikkuuqqat uqaliqaarumi ilaa ilitariyahimanngittumik ikhivautalingmit.
- Una *uqaqaffungniq* ahikkuuqqat ilaa maligakhatigut ahiruikpat maligaita katimayitkut.

Takoyakhak taphomigat Angingitomik Nuutijut:

“Titirarvigiyaudjavuq Bill Martin, una tuqhudjiqiyi, ilaa hanaqitquhuiurlugu imiqtarviup iglungani takunnginniqaahugu Katimayitkut angirniat.”

Una aadjikkutaa pigiaqtittihimaniup titirattiaqhimayuq imaatut ittukhauyuq:

“Taamna ilaa SAO-nguyuuq ilitturipkadjavaa Bill Martin, una tuqhudjiqiyi, angiqtautaarluni Katimayitkunnin hanayungnaqtaata imiqtautiup iglunga.”

Katimayitkunni katimayit pinahuannigillutik nakuatuuqhimanngittunik pigiaqtittihimanirnik.

Niruarutigivagait Pigiaqtitauhimaniit

Una Katimapkaiyuq ihumagumi uqautigittiaqhimataarumaikku pigiaqtitauhimanirmik, talvalu tamaita katimayiit uqaquyautaarumik, una katimapkaiyi pigiaqtitauhimayumik uqautigiffaaqqarlugu apiqhiyungnaqtuq niruarnikhakut.

Akitauhimayut Pigiaqtitauhimaniit

Una pigiaqtitauhimaniq niruaqtauniarumi talvalu akitauhimagumi, katimadjutini

titiraqhimaniaqtuq imaatut akitauhimagumik pigiaqtitauhimaniq. Una pigiaqtitauhimaniq uqautauffaarungnaqtuq uvani katimanirmi tahapkuat amigaitqiyat katimayit niruarlutik piyumagumik.

Una pigiaqtitauhimaniq angiqtauhimakpat talvalu qanurinningat uqaqtautaaqqagu katimapkaiyip, ilaa ungavaqtauuyungnanngittut uvani katimanirmi. Piyungnaqtuq, qanurliqaak, ilaa ungavaqtauuyungnaqtuq katimaffaalirmigumik. Ilaa talvanngat ungavaiyungnanngitput akitautaaqhimayumik pigiaqtitauhimanirmit. Talvanngat tamainnin, tamaita pigiaqtitauhimaniit, aniguqhimayulluunniit akitauhimagumik, titiraqhimayukhat katimadjutini.

Holi titiraqhimayonik takoyoknaqtotit eloakhainiginik nuutitaoyot, takologo Eloani 5: Elloakhainik Katimajutiviniknik.

Pigiaqtitauhimaniq Ihuaqhainikhakkut

Ihuaqhainikhat pigiaqtitauhimavaktut aallanguiniarumigluunniit ihuaqhivaalliru-magumikkulluunniit pigiaqtitauhimanirmit ilaa niruaqtauliqtinnagu taamna pigiaqtitauhimaniq. Una pigiaqtitauhimaniq ihuaqhaqtauuyungnaqtuq ilaa haffumanngat una apiqqutauhimayuq (niruarniq) taiyutaarninganin. Una ihuaqhainiq ilaa aippiqtauhimayukhaq ilaa taamna pigiaqtitauhimalluarninga aippiqtauhimagaluarimat.

Una pigiaqtitauhimaniq ihuaqhaqtauuyungnaqtuq ilaa ilangit taihiniit ungavaqtauhimagaluarlutik, ilaliutilugit kitulliqaak taihiniit, ungavarlugilluunniit kitulliqaak taihiniit himmauhiqtaulutiglu ahiannin taihirnirnit. Nalaumattiarniarumik, ihuaqharningat pigiaqtitauhimaniit ilaa nalaumayukhat apiqqutinin talvali kihimi pitquhikhaaluunniit piyumanialuunniit tahaffumap pigiaqtitautqaaqhimayup aallanngulimaittuq.

Niruarningat Ihuaqhaqtauhimayumin Pigiaqtitauhimayutigut

An amendment must be voted on before the vote is taken on the original motion. If it is defeated, debate continues on the original motion at which Una ihuaqhaqtauhimaniq niruaqtauhimayukhaq ilaa niruarutaat pitinnagit haffumap pigiaqtitautaaqhimayuq. Akitautaaqhimakpat, uqautigiffaarungnaqtaat pigiaqtitautaaqhimayuq ilaa talvanngat ihuaqharnikhaat tukhiqtuutauyungnaqtuq. Tautukhugu pitquhiatigut ihuaqhainikhaat pigiaqtitauhimayumin, ilihimalugu unainnaq atauhiq ihuaqhainiq apiqqutaulluqaqtumut uqautigiyayungnaqtuq uvani atauhiirlugu talvalu unainnaq atauhiq ihuaqhainikhaq uvunnga ihuaqhaqtauuyukhamin.

Uuktuutit pigiaqtitauhimanikhakkut ihuaqhaidjutikhanik:

“Pigiaqtittivunga ihuaqharumablugu pigiaqtitauhimayuq una ililugu _____ akunnganni _____ talvalu _____.”

“Pigiaqtittivunga ihuaqharumablugu pigiaqtitauhimayuq una ilaliutilugu _____ kingulianin _____.”

“Pigiaqtittivunga ihuaqharumablugu pigiaqtitauhimayuq una himmauhirlugu _____ unaunngilluni _____.”

“Pigiaqtittivunga ihuaqharumablugu pigiaqtitauhimayuq una ungavarlugu _____ talvalu ililluarlugu _____.”

Pingahuinnarnik apiqqutinik ilaa apiqqutauyungnaqtut uvani atauhirmi katimanianni – una pigiaqtitauhimanirluaq, ihuaqhainikhaat pigiaqtitaulluqhimayumin, talvalu ihuaqhainikhaat uvunga ihuaqhailluarnirmut.

Tamaita ihuaqhaqhimaniit niruaqtautaaqhimakpata, una katimapkaiyi niruaquiyungnaqtuq haffuminnga pigiaqtitauhimanilluarmit, ihuaqtauhimayumigluunniit ihuaqhaqtauhimanngittumigluunniit.

Ahivaqhiniq Pigiaqtitauhimayumin

Una pigiaqtittihimayuq ahivaiquiyungnaqtuq pigiaqtihimayaminin ilaa niruaqtautaaqhimanngitpata. Una katimapkaiyi apiqhinaqtuq ilaa qinngihimayaunngitpat una pigiaqtitauhimaniq. Qinngiyuqanngitpat, una pigiaqtitauhimaniq ahivaqtaunginnariaqtuq. Kinaliqaak katimayi niblirutigigumiuk, una katimapkaiyi ilaa haffuminnga niruaqtittiyungnaqtuq. Amigaitqiyaukpata ahivaiyungnaqqut pigiaqtitauhimayumin.

Pigiaqtitauhimaniit ahivaqtauyukhat ilaa nalaumayumik niruaqtauniarutikhaannin. Imaatut ilaa, una ihuaqhaqhimayuq ahivaqtauyukhaq pigiaqtitauyukhaq ahivaqtautinnagu.

Pigiaqtittinikhaq Hatqiktauyukhanin

Ilaani katimayitkut tutquillagumavaktut pigiaqtitaulluarnirmut ilaa ihumaginngittugu qakuguliqaak ihumagiffaarniarumikku talva kihimi pivikhaa haffumap pigiaqtitauhimayup uqautauffaanginnarialik ukuat amigaitqiyat piyumalluarumik. Una pigiaqtitauhimaniq “hatqiktaunikhamut” talvaluunniit “hatqiglugu ikpanmut” iniqtirirutiginiaqtaa hamna.

Nallirlikiaqhaq hatqiktuinikhakkut pigiaqtitauhimanirmit ihumagiyauyukhamin qakuguliqaak. Talvani ilaa, una pigiaqtitauhimaniq kinguvainikhaanik ilaa atuqtaullaqtukhauyuq.

Takonguaklogo:

Una pigiaqtittinikhaq hatqiktauyukhatigut imaatut uqauhiqatquq:

“Uvanga pigiaqtittiyunga hatqiktuqtauluni una pigiaqtitaulluarumik.”

Una hatqiktuinikhakkut pigiaqtitauhimaniq ilaa uqautauyuminanngittuq talvalu niruarutauyukhaq qilaminnuaq.

Pigiaqtittiniq Hatqiktauhimayumik Piffaarniarumik

Una pigiaqtittiniq hatqiktauhimayumik piffaarniarutikhaat hatqiktitauhimagaluaqtumik uqautiliqpagaat qilaminnuaq.

Una pigiaqtittiniq hatqiktauhimayumik piffaarniarutikhaat ilaa pigiaqtitauyungnaqtuq uvani katimanirmi ilaa una pigiaqtitauyukhaq hatqiktaunikhaanni, ilaa ahiit uqautauyukhat uqautigiyautaaqqata akunnganni ukuak pigiaqtitauhimayuk. Hamna pigiaqtitaunikhaq akiraqtuqtaulimaittuq. Ilaa qanurliqaak hivituniqaqqat una hatqiktauhimayuq, ilaa ikayuutauniqaqtuq uvunnga hivulliqpaamik uqaqtukhamut ilaa takuurigumiuk kingullit akiraqtuutauvaktut ilaa nutaanik uqautiqaffaarniarumik.

Takogoaklog:

Tamna nuutakhak mikhanot ahivaklogo Ekpatimit taimana okalimaktokhak:

“Tahamna pigiaqtitauhimayuq ihumagiblugu _____ piyauluni uvannat hatqiktauhimayumin.”

Pigiaqtittiniq Kinguvarumanikhakkut

Hamna katimaniq pilluarumagumik haffuminnga pigiaqtitaullaqhimayumik ihumagiyumagumikku uvani katimanirmi, uvaniluunniit katimanirvikhami, pigiaqtittiyungnaqtut kinguvaqtittitutik pigiaqtidjunmik uvunga qakuguliqaak katimanikhaannut, ilaa titirattiaqhimayukhaq pigiaqtidjunmi kinguvainikhaanni. Hamna

pigiaqtittidjut pigiaqtitauyungnaqtuq qanurliqaak akiraqtuutauhimaga-luarluni haffumani pigiaqtitauhimanikkut ilaa kinguvarumaniqaraluarlutik.

Una pigiaqtitaunikhaq kinguvaqtauyungnaqtuq qakugumut talvaluunniit katimayitkut uqautigitaarumikku ahiit uqautigiyauyukhat.

Qakugunngurnia tikitaaqqat haffumap pigiaqtittiniup, una katimapkaiyi uqautigiyaakhaa hamna kinguvaqhimayuuq pigiaqtittidjut katimayutkunnut ilaa qilamik ihumaliurutigiyakhaannik. Ahiita uqautigiyauyukhat uqautigiyaupata talvani, una katimapkaiyi uqautigiyaakhaa qilamik una kinguvaqtauhimayuuq pigiaqtitauhimaniiq ilaa ahiit uqautautaarumik.

Una pigiaqtittiniq kinguvaaiyumanikkut atuqtauyungnaqtuq ilaa, una uuktuutigilugu, katimayitkut kangiqhittiarumagumikku ihumaliurutigitinnatigik.

Takonguaklogit:

Una pigiaqtittiniq kinguvaaiyumanikkut ilaa imaatut piyauyungnaqtuq:

“Uvanga pigiaqtittivunga uvagut kinguvarlutigu ihumaliurnikhaa haffumap pigiaqtittidjutip ilaa katimaffaalirmikpata katimayitkut uvani (ublukhami).”

Una pigiaqtittiniq kinguvaaiyumanikkut talvattauq pigiaqtitauyungnaqtuq kinguvainiqpiakhaatigut uqautigiffaarutiginnigillugu, ilaa imaatut:

“Uvanga pigiaqtittivunga kinguvarlutigu hamna uqautigiffaarutiginnigillugu.”

Pigiaqtittiniq Nuutirinikhakkut

Ukuat katimayitkut pitquikpata katimayiralaatkunnin ihivriuquigumik pigiaqtitauhimayumin talvaluunniit pitquidjutigiyakhaatigut haffumap

ihumagiyaayut, una katimayi katimayitkunni pigiaqtittiyungnaqtuq haffuminnga pigiaqtittidjunmik nuutirinikhaannik.

Takonguaklogit:

Una pigiaqtittiniq nuutirinikhakkut imaatut uqauhiqarungnaqtuq:

“Uvanga pigiaqtittivunga una pigiaqtitauhimayuuq nuutiqtaluni ukununga Hanayitkut Katimayiralaangannut ilaa ihumaliuqtaudjutigiyakhaannik.”

Pigiaqtittiniq Ihumagiffaarnikhakkut

Una pigiaqtittiniq ihumagiffaarnikhakkut pitquiyungnaqtuq amigaittunin katimayitkunni, qanurli hivituyutiqaqtumin talvalu ilitturipkaidjutiqanngittumiglu, qarritiffaqtittitutik ihumaliurutiffaarutigiyakhainnik pigiaqtitauhimanikkut ilaa tahaffuminnga niruaqtauyukhatigut. Hamna ihumaliurutigiffaarutikhaq ilaa katimapkaidjutigivagait ihuaqhinahuaqhugit tahapkuat qilamiuqhimablutik, nakuatuuqhimannigittut-uqaudjiniit, talvaluunniit pinahuarnikhaat ilittuqhautigiyauffaaqhimayut talvaluunniit aallannguqhimayuuq hunaliqaak pivallidjutigiyaat niruaqqaqtillugit.

Una pigiaqtitauhimaniat ihumagiffaarnikhakkut aniguqqat, una akturutikhaat nutqaqtillugu niruaqtauhimanilluungat haffumap pigiaqtitauhimanigiyaat talvalu angmaffaarlugu tahamna uqautigiyaakhaat akiraqtuutigilugu ilaa tahamna niruaqtauhimalluannigittutut illugit.

Una pigiaqtittiniq ihumagiffaarnikhakkut hapkuninnga ilaa idjuhiqagtut:

1. Haffumainnaup katimayiuyup niruarutigiyungnaqtaa tahaffumani – taimaa ilaa, niruarutigittiaqhimablugu, una pigiaqtitauhimaniiq uqautauhimayuuq atuqyauhimaniiqaaqqat, talvaluunniit niruaqtauhimagumi ilaa tahamna pigiaqtitauhimaniiq akitauhimagumi.

2. Una pigiaqtitauhimaniq hivituti qarumi qanurliqaak. Una pigiaqtittiniq ihumagiffaarnikhakkut katimanirmi talvani ilaa ihumaliuqtauyukhaq talvaluunniit katimavikhaanni niruaqtaaqtillugit.
3. Una pigiaqtitauhimaniq uqaqtimit kibluyungnaqtuq, talva kihimi uqautauyukhaq ahivariirlugit pigiaqtitautinnagit ihumagiffaarnikhakkut uqautautinnagit.

Takonguaklogit:

Una pigiaqtitauniqalaaqtuq haffuminnga:

“Uvanga pigiaqtittivunga ilaa hamna katimayitkut ihumagiffaarlungit pigiaqtitauhimaniit ukunani _____ (uqarlugu pigiaqtitauhimaniq)”

Una ihumagiffaaqtauyukhaq pigiaqtitauhimaniq havaktaupat, ilaa katimayitkut haffuminnga ihumaffariyungnanngitaat naammaguhungninganin. Una uktuutigitlugu, ukuat katimayitkut naammaguhungnikkut tuniyaukpata kaantraalirinikhakkut ukununga hanayitkunnut talvalu ilitturipkaitaaqhimagumikku ukuat hanayitkut ilaa tunihidjutigiainnin kaantraalirinikhakkut.

Una pigiaqtitauhimaniq ihumagiffaarnikhakkutigut ilaa akiraqtuqtauyungnaqtuq talvatuq una pigiaqtitauhimanikkut mikhaagut piviqaqat ilaa akiraqtuqtaudjutikhaqqat.

Pigiaqtittiniq Taimaarnikhaatigut

Una pigiaqtittiniq taimaarnikhakkut ilaa kangiqhinaqtuq una tukhiqtuut taimaarutikhakkulluunniit nutqaqtikhakkulluunniit ihumaliuqtauhimayugalumit. Una aktuutaa, aniguqhimakpat, nutqaqtillugu pigiaqtitauhimaliuqtauyugaluaq talvalu ilaa nutaanguyumik pigiaqtittinikhakkut himmauhirlugu katimaliqtinnagit. Nutqaqtitailirumik pigiaqtitauhimayumik, titiraqtauhimayukhaq ilaa hamnauyuq pigiaqtittiniq ilaa nutqaqtitauhimayuuq

talvalu havaktaunikhaat havaktauliqqat aniguqtautaaqhimangmat pigiaqtittinia, taamna havauhikhaa nutqaqtitaulimaittuq.

Takonguaklogit:

Una pigiaqtittinikhaq taimaarnikhatigut imaatut taiguarniqarniarungnaqhivuuq:

“Uvanga pigiaqtittivunga taimaarniqaqublugu una pigiaqtittiniyuq _____.”

HOLILONIIT:

“Uvanga nainaiqhipkaivunga pigiaqtittiniaqtunga taimaarnikhaanni haffumap pigiaqtitauhimayumin ihumagibluu _____ katimaffaalirmikpata katimayitkut.”

Hapkuat pigiaqtitauhimaniit kibluyungnanngittut ahianin uqaqtunin, akiraqtuqtuutauyungnaqtullu ihuaqhiyungnaqtullu. Nakuatuunngittut niruarutit kitunigliqaak pigiaqtitauhimayunin ilaa ihumaliurutigiyauffaarungnaqtauyut, talva kihimi nakuatuuqhimayuinnaannik.

Pigiaqtittiniq Taimaarumanikkut

Hamna pitquhiriyaa pigiaqtittinikhaq taimaarumanikkut ilaa taimaarlutigik katimaniit, talvaluunniit nutqaqtittiyumagumik ihumaliurutigiyaanni apiqquatauyup. Hamna atuhig pigiaqtitauhimaniuvaktuq talvalu atuhibluni piqpagiyaulluaqpaqtuqtauyup. Ihumagiyauyukhaq piqpagiyaulluarniqaqtuq taamna katimanitqikhaq ublunga titirariiqtauyukhaq pigiaqtittinikhaat taimaarnikhakkut pigiaqtitauliqtinnagu. Amigaittuni hamalatkunni, hamna ihumaaluutauyukhaunngittuq ilaa katimadjutigiqattautikhait iniriqhimavangmata January-mi katimaliraangata atuni ukiuq tamaat. Una pigiaqtittiniq kibluyungnanngittunaq-hiyuq uqaqtumik talva kihimi nalaumanirmiittuq kitumiliqaak quyaginnaq. Hamna ihuaqhaqtauyungnanngitturlu akiraqtuutauyungnanngitturluunniit, talvalu ilaa qilamik niruaqtuutigiyauyukhaq.

Apiqqutauyuq Pivikhariyaatigut

Hamna taimaitquhiq aktuutiqarumi nakuatuurnikkut, ihuarnikkut, inuuhittiarnikkut, nanminingaluunniit pivikhariyaatigulluunniit haffumap katimanikhaup talvaluunniit ilikkuuqtuq katimayiyuq (una uuktuutigilugu, nipiqaqpallaarniq, ivyanngunaipkutiqattianninniq, talvaluunniit ilittuqhipkainingat takuyauyukhaunngittumik hivuraanni aallat inuit, kitunigluliquaak), una katimayi piyungnaqtuq “uqautigilugu pivikhariyaatigut”. Hamna kibluivikhaqalaaqtuq kitumigliqaak uqautigiyauniaqtumik upalungnarniqaqtumik uqauhirmik, tukhiqtuunmik, talvaluunniit pigiaqtitauhimayumik. Una pigiaqtitauhimaniq ihumaaluutigiyautiginiarungnaqhiyaat inuuhiaa uumap katimayiup, ilagiiktulluunniit katimayitkunni, ukualluunniit katimayitkut.

Una katimayi apiqqutiqarumagumi pivikhariyaatigut ilaa utaqqiyungnanngittuq ilitariyaunikhakkut ikhivautalingmit.

Takonguaklogit:
Una uuktuutigiyauunikhaat haffuminnga ilaa uqaqatigiingnikhakkut:

Katimayitkunni katimayi: “Ilvit Hannginaqtutit, Uvanga makitpunga apiqqutiqaqhunga pivikhaqarnikhakkut.”

Maiya: “Uqautigilugu apiqqutigiyat.”

Katimayitkunni katimayi: “Uvanga tukhiqtuqqunga tahapkuat inuit ikhivayut uvani katimayuni apiriyaulutik ilaa akhuraaluk uqaqpallaaruilutik.”

Una pivikhariyaatigut atuqtauyungnaqturlu ilaa pitqunikhakkut uvani katimayuni haavittiyumayumik pigiaqtitaunikhakkut haffuminnga upalungnarniqaqtumik.

Uqaudjauniq Katimanirmut

Hamna pigiaqtittinikhaq pitquiyungnaqtuq katimayimin ilaa ilitturipkarahuarlugu una ikhivautalik ilaa tahaffuminnga ihuinaarningannik pitquhiutip talvaluunniit pittiannginningannik akiraqtuutigiyamingnit. Una katimayi makihimagumi uqaudjaunirup katimaniannut ilaa utaqqiyungnanngittuq ilitarinnikhaannin ikhivautalingmit.

Takonguaklogit:
Tavvat takologit takoyakhat taimaitokhaoyot kaoyinahoakhogo gavamat katimalotik attoqataktai attoktaoninginik.

Una katimayi makilluni uqaallagungnaqtuq imaatut:

“Uvanga makitpunga uqaudjaunirup katimaniannut;” talvaluunniit “Uqaudjaunirup katimaniannut.”

Una ikhivautalik ilitariyakhaa una katimayi, ilaa inmittauq uqaallautigilugu tahamna uqaudjaunirup katimaniannut:

“Una pigiaqtitauhimaniq tadjahaaq uqautauhimayuq ilaa ahinuktaubluni uqautauyuq ilaa pigiaqtitaullaqtauyukhaqarmat katimayitkut hivuraanni.”

Una ikhivautalik atannguqtuiniyaqtuq ilaa hamna uqaudjauniq piyauttiaqhimakpat. Hamna katimapkaiyup atannguqtuidjutaa akiraqtuqtaunngitpat, una ihumaliuqtauhimayuq ilaa inminik napaniaqtuq.

Una uqaudjauniq katimanirmut kibluuyungnaqtuq ahianin uqaqtup, aippiqtuiyungnarniqaanngitkaluarluni, akiraqtuqtaunngitkaluarluni, ihuaqhaqtauyungnanngitturlu, talvalu ihumagiyautqiktaulimaittuq.

Pigiaqtittiniq Tukhiqtuutigilugu Ihumaliurutaa Ikhivautaliup

Ilaani hamna uqautauvaktuq imaatut “akiraqtuqhugu ikhivautalik.” Ilaaninnguraangat, una katimayi angirunnganngitaa ihumaliurutigiyaanin ikhivautaliup. Utaqqihimaittumik ilitariyaunikhaanni, una katimayi uqaallaktuq, “Ilvit Hannginaqtutit, Uvanga tukhiqtuqqara ihumaliurutigiyaata ikhivautaliup.”

Hamna pigiaqtitauhimakpat, una ikhivautalik uqautigiyaakhaa apiqqutigilugu, una ihumagiyaayuq, talvalu, piyumalluarumik, hulinikhaatigut haffumap ihumaliuqhimayup.

Una ikhivautalik apiritaarumi akiraqtuqtaunikhaannik haffumap uqautauyup, talvannat apiqqutiginiaqqa. Una uuktuutigilugu:

Takonguaklogit:
Takonguaklogo takoyakhak qaoyinahoakloni qanok ekhivaotak apiriqataqtok maliklogo nuutaoyok ahianogaktaoloni.

“Tahapkununnga ikhivauttamingni inniarumik, naunaiqhittiaritti.”

“Tahapkununnga akiraqtuqtainnut, naunaiqhittiaritti.”

Una ikhivautalik uqautiginiaqqa qanurittaakhaita niruarutit talvalu naammagiyaakhaa ihumaliurutigiyaat katimayit katimanirmi. Tahapkuat amigaitqiyaukpata akiraqtuqhimagumikku ikhivautaliup ihumaliurluaqtanganik, ilaa inminik kingupiktuqhimania ihuaqhiyaakhaa.

Inminut Agviarutiqarniq

Inminut agviarutiqaliqpaktuq ilaa una inuk havaaqarumi inuqarniqarnikkut inminut talvunngaqtikumi ilaa inminut agviarutiqalirluni havaariyaminut.

Ukuat hamalatkunni katimayiuyunut, una taihiniat “inminut agviarutiqarniq” kigliniqaqtuq *kiinauyatigut agviarutiqarumi.*

Qatanngutigiingnut Ihumagiyalgit

Una kiinauyatigut agviarutiqarniup pitaariyakhatigut kiinauyanik talvaluunniit tammairmut uumap katimayiup kivgaqta, ilagiyaa, aippariyaa, angayuqaanga, nutaraataluunniit ilaa piyungnarniqarumik ihumaliuqhimayaitigut katimayitkut. Haffumuunalu ilaa agviarutigiyaungnaqtaat uumap kivgaqtuqtuyup talvaluunniit qatannguita ilagiyaa ukunani kuaparisani ilaa akhuraaluk ikayuutigiyaungnaqtaat talvaluunniit kingumut aktuutigiyaungnaqtaat ihumaliurningannik katimayitkut.

Ilanganniittuk 2 unalu 3 haffumap
Inminut Agviarutiqarniq Maligainni, 1988
uqattiaqhimayuq qanurli pitquhiqarniaqtuq kiinauyatigut agviarutainnin.

Pitquhikhaat Naunaiqhinikhakkut

Havaariyakhaat atuni katimayitkut ihumaliurutigilugit qanurli pitquhiqarniarutikhaannin kiinauyatigut agviarutainnin ilaa inminut pitquhiriyamin talvalu qanurinniqaarninganin. Havaarinngita uumap SAO-nguyup uumabluunniit kitublikiaq ahiit katimayiat katimayitkunni ilaa tikkuaqtuilutik kitumigliqaak kiinauyatigut agviarutiqarniangannik ahianin katimayiup.

Hunaliqaak ihumagiyaayuq hivuraanuktaukpat katimayitkut ilaa unaup katimayiup ukpirikpagu ilaa inminut kiinauyatigut agviaruti qarumi, nalunaittumik pitquhikhaqarningat maligakhariaqaqtuq. Una katimayi ilaa hapkuninnga piyukhaq:

1. Ilitturipkailugit katimayitkut ilaa inminut kiinauyatigut agviarutiqaqturiluni tahaffumuuna. Ilaa uqautigittiaqariaqaqtuq qanurittaakhaa tahamna agviarutaqarutigiyaa.
2. Katimavik anivigilugu ilaa tahaffuminnga uqauhiqaqqata.
3. Uqautiginahuangillugu talvaluunniit ihumaliurninganik kitubliqaak katimayiup haffuminnga uqautiyuugaluamin, katimatillugilluunniit katimataarumigluunniit.

Nanili una kiinauyatigut agviaruti qaruniq ilaa akiliqhiniuvaktuq niuvrutigiyaannik hamalatkut ilaa atannguqtuitaaqhimayaannik, talvalu una akiliqtakhaa angitqiyaaunngitpat angiqtautaaqhimayumin, una katimayi ilaa uqaquyahimayuq kiinauyatigut agviaruti qaruni. Una katimayi pitqyaunngittuq, qanurliqaak, aniqyaunngittuq katimayuni ilaa tahaffuminnga uqautautillugu niruaqtautillugulu.

Hapkuat pitquhiit atuqtauyukhat tamainni katimaliraikpata katimayitkut ukuallu ilaa katimayiralaangukainnaqtullu katimayiralaatkunnullu. Una SAO-nguyup hapkuat titiraqhimayakhait katimayiublu utiffaarvia katimavingmut ilaa niruaqtaaqqata haffuminnga uqautauhimayumin.

Katimayungnaqhiutinik Tammainiq

Kinaliqaak katimayi katimayitkunni, uqaqhimagumi kiinauyatigut agviaruti qarunnikut tahaffumani uqautauyumi, ilaa kitiqatigiyaulimaittuq ilaa katimayungnaqhiutitiliutigiyauluni katimayitkunni

ilaa talvaniittukhauyuq apiqqutauyurluunniit uqautauyurluunniit niruarutauniarumi. Naahautait katimayiuyut katimayitkunni uqaqhimagumik kiinauyatigut agviaruti qarumi ilanginnik kituuyunigliqaak tammaigumik katimayungnaqhiutinik katimavingmi, ukuat kihinnigurniit qaffiungmangaata katimayitkut ilaa katimayungnaqhiutaukpata uvunga apiqqutauyumin uqautauyumiigluunniit, ilaa talva qaffiungmangaata ikitqiyaukpata malrungnin.


Nipiliuqhimayut Niruarnikkut

Kinaliqaak katimayi katimayitkunni nipiliuqhimayumik niruarutinik piyumayungnaqtuq. Una Maiya unaluunniit SAO-nguyuuq taihiqattaqtakhait atuni katimayit atiinik, unalu Maiyayup titirarningat ilaa hamna niruarutait angiqatigiikkaluarlutik talvaluunniit qinnqihimayaugalarlutik. Hamna tamaita naunaipkuttat titiraqtauhimayukhat katimadjutini.

Piyumayauningat titiraqhimayutigit niruarutit takuyayumayungnaqtut nirualiqtinngilluunniit niruaqtaaqtilugilluunniit talvaluunniit pitquhikhaat titiraqhimayumik niruarningat ilaa titiraqhimayungnaqtut pitquhitigit maligainnainni. Huurlikiaq titiraqhimaniannik niruarnikhakkut ilaa piyumayaullaqapaktut takuyautaaraangata niruarutit ilaa tahapkunuuna iqhitaaqtailidjutigiblugin ilaa taimaatut titirariiqhimayukhat niruarutit.

Una atauhiq niruarnikhakkut mikhaagut ilaa ihumagiyaayuukhaq ilaa una katimayi qanurli niruarniarami, angirnikkulluunniit aallannganianiluunniit, una katimayi aallanngulimaitaa niruarutini ilaa titiqqakkut niruarniarumik. Una katimayi nirualaaqtuq atauhinnaarmat apiqqutauyumin. Titiqqakkut niruarutit ilaa pigiaqtitaunikkut pilaaqtut tahapkuat aniguqtauhimayulluunniit akitauhimayulluunniit.

Eloani 5: Parnaiyarningat Katimadjutit



22

Pitquhikhaa

Katimadjutit ilaa naunaipkutaulluaqtut titirarningatigut katimaniit pitquhiitigut. Una SAO-nguyup pihimalluaqtakhait titiraqhimaniit katimayitkut katimadjutait. Naunaittukhat, nalaumattiaqtukhat, talvalu ilihimayauttiaqtukhallu ilaqaqtukhallu hapkuninnga naunaipkuttanik. Ukuat katimadjutit aadjikkutariyakhaat katimayuutikhat.

Katimadjutit ilaa katimanirni itqaumadjutigivagait. Hivikittuinarmi-aturutikhainnarinnigitaat; tammalimaittuublutik, ingilraanittakkut titiraqhimaniqaqtut talvalu titirarniqaqtukhat hivumut ihumaluta.

Ukuat *Hamalatkut Maligait* uqaqhimayut titirarningannik katimadjutit ilaa havaarilluaqtaa SAO-nguyup. Katimadjutait katimayitkut ilaa atuqtauningat angiqtarivagait apiqhuyitkut.

Ilaa piqpianguyut titiqqat havauhiringmadjut hamalatkut ilaa titiraqtauvangmata katimayitkut ihumaliurutainnin.

Una SAO-nguyup katimaqataunginnaqtukhaq katimaliraikpata katimayitkut talvalu titirattiaqhimayukhat katimadjutini, titiraqahimaittumin uqaqhikhaqaqhimaittumiglu, tamaita naammaguhungniit, ihumaliurutit talvalu ahiit pitquhiriyaita katimayitkut.

Titirarningat Ihumaliuqtaunirnit

Tamaita naammaguhungningat katimayitkut titiraqtauhimavaktut katimadjutini talvalu takunnarnikhaqaqpaktut hulidjutigiyaita katimanirmi. Atuni uqauihllu talvalu uqautigiyaukaffuutit ilaa titiraqtauvannngittut katimadjutini.

Tamaita ihumaliurutigivagait katimayitkut ilaa ihumaliurutayukhat naammaguhungnikkut uvuunaluunniit maligainnarnikkut. Pivikhaqanngittut uvani Hamalatkut Maligainni ilaa ahiaguurvikhaanni. Una Hamalatkut Maligait uqaqhimayut tahapkuat tamaita apiqqutauhimayut pigiaqtitaunikkut tuniyayukhat katimayitkunnut talvalu tamaita apiqqutauyut ihumaliurutigiyakhait amigaitqiyani niruarnikkut. Pitquhikhatigut maligaq amigaiqhivaalliutiqarniaqtuq immaqaak pitquniqalirluni amigaitqiyaunikhatigut.

Titirarningat Atiit

Una SAO-nguyuyq titiraqtakhait atiit katimayit katimayitkunni katimaqatauhimayut. Talva ukuak pitquhiriyaaq malruuyuk. Titiraqhimablugit atiit katimayit katimaqatauyut, ilaa naunaipkutauyungnaqtuq katimayungnaqhiutiginiarumikku talvalu uqautigiyumayaat nakuatut piyauhimagumik.

Aippaattauq naunaipkutarivagaat kitittidjutigiblugin akiliuhiarutikhaatigut katimayitkut. Katimayitkut akiliuhiarutikhaat ilaa akiliuhiarutigivangniaraat katimaqattaqpakkumik; qanurliqaak Katimayitkut Qulangnaipkutaani maligainnaini ilaa qaffiuyunik katimaniqalaaqqaata ukuat katimayit akiliuhiarutigiyungnaqtaat. Imaatullu ahianin, katimayitkut akiliuhiaqpaktut katimaqattaqpauhiannin. Pitquyauhimaniquaqturlu atia uumap SAO-nguyuyq titiraqtauvagluni una ilaa SAO-nguyuyq katimaqatauqattaqpaktukhaungmat tamainni katimayitkut katimaliraangata.

Angirutait Katimadjutit

Una SAO-nguyuyq ilaa katimadjutinik atuni katimanirmut angiqtauhimayukhat uvani katimanikhaanni talvalu una katimapkaiyi atiliuqhimayakhaat kingulliqpaami makpirarmi

Katimajutiviniitgialiit

Katimayit katimayotiviningi taimanaitohak tavva takoyakhat.

1. Titirauhikhaa katimadjutip quulliqpaami titiralirlugu nutaami makpirarmi
2. Titiraqqaarlugu taihinikhaa
3. Atia hamalatkutigut
4. Qanurittuq katimadjutaat
5. Ublunga, humunngaqtumi talvalu nani katimaviat
6. Titirarlugit tamainnin atiit katimayit katimaqatauhimayut katimaqataunngittuluunniit (titirarlugit huurli talvaluunniit hungmall), ahiillu ilaa titiraqtauyumakpata (ukunatut katimayaqtuqatauhimayut)
7. Titirarlugu katimatquiniat (humunngaqtumi)
8. Atuqiniq katimadjutinik (piyuminaqqat)
9. Katimadjutit angiqtautaaqhimayut kingullirmit katimanirnit katimayitkut (katimaqattarniganniinnaq)
10. Uqautigiyayukhat katimadjutiminiittunik
11. Katimayaqtuqatauhimayut
12. Titiqqat
13. Kiinauyalirinirmut Naunaipkuttat
14. Akiliqhiniq Niuvrutinut
15. Katimayiralaatkut Unipkaangit
16. Havaktit Unipkaangit
17. Tikkuuqtuqtauningat
18. Nutaat Uqautigiyayukhat
19. Maligainnait
20. Kangiqhipkauhiit
21. Taimaaqtiriniq (humunngaqtumi ililugu)

ukunani katimadjutini ilaa atuni katimadjutainni. Una pitquyauhimaningitigut pitquyauhimanirni ilaa pitqulugu una SAO-nguyuyq unalu katimapkaiyi atiliuqhimalugit atuni makpiraanni katimadjutit.

Titirarnikhaat Katimadjutip

Amigaittut aallatqiinik titirauhiqaqtut titiraqtauliraangata katimadjutinik. Unainnaq pitquyauhimanuuyuyq ilaa titirauhiat naammagiyaannik maligaliuqhimanikkut pitquhimayaitigut talvalu katimayitkut atuqtakhaatigut naammagikpagu.

Titirauhiillu Titirattiarningallu

Maligaluaqhugu titirauhiat atuqtaulluaqpaktut, ukuat katimadjutit ilaa titirauhiqattiaqtukhauyut taiguarnattiaqtumin. Hapkuat titiraqhimayut atuqtauyukhauyut parnaiyarnikhaatigut katimadjutikhap:

- Titiraqtitarlugit katimadjutikhata ilaa naunaipkutaqarlugit uqauhiriyauyukhamin;
- Aturlugit angiyut titirauhiat uqauhiriyauyukhani;
- Nambaliqturlugit naammaguhungningat (ihuatqiyauniaqtuq hivulliqaamik titirlugu imaatut #1 atuni nutaami ukiungani - ukunatut, #1/00);
- Titirattiarnikkut atuqpaglugit titirviillu taimaita;
- Kangiqhinaqtumik iniriiqhimayuniglu titirauhiqaqtukhat;
- Ayatuniqarvikhaannik kinnguidjavut akunnganni naammaguhungniit; talvalu
- Angiyunik titirarviqaqtukhauyut hivulliqaat atuni titirauhiat.

Kitulliqaak Piyaqaqanngittut

Katimayutikhaviniit eloakhaktaolirangata, tahapkoat tamahimaqataqtot attoktaililogit:

- Hivulliqaamik atiit taihiqattanngilluhi ilaa titiraqtauliraikpata atiit katimaqatauhimayut. Ilihimalugu, hapkuat katimadjutit ilaa piqpiangungmata titirarningatigut, talvalu ilaa tamalaittut uqauhingit.
- Atunngillugit ungavaiyaiyiniq qakuqtuqtuutiniglu.
- Ilaliutinngillugit algakkut-titirarningat uqauhinganiiglu uvani titiqqami.
- Itqumaqattaqpaglugu pigpianguyut maligainnait ilagiyaat katimadjutit talvalu titirarviqaqtukhaunngittut uqarvigivikhaqaqanngittullu tahapkunani.

Ihuaqhainiq Katimadjutinik

Ihuinaaqhimayut takuyaugumik hapkuat katimadjutit angiqtautaaqhimannngittutik, una SAO-nguyuyq hapkuninnga ihuaqhaiyungnaqtuq katimadjutinik, ilaa nalvaarihaaqhimayaminin ihuinaaqhimayut, titirarlugu ihuaqhaiyungnaqtaa qilaminnaq, piqatigiluniuk katimapkaiyi, atiliurvigilugit ihuaqharningat.

Aallannguqtauvallaaqtauyukhaugumi katimadjutit, ilaa atahimayuuluni katimadjutini ihuaqhaqtauhimayuni. Naunaipkuhiqtauvaktut atahimayutigut ihuaqhainiannik ilaa talvani ihuaqhaqtauyukhami inikhaani.

Angirotaohimayoit Elloakhaklogit holiloniit Tammakhimayot Eloakhaklogit

Una naammagiyauningat
angiqtakhariyaat katimadjutit ilaa
ihuaqhaqtaarlugit ihuinaarningalluunniit
ungavaqhimayaiilluunniit inigaluanginni:

“Pigiatittihimayaa Katimayiup _____
ukuat katimadjutit uvani Katimaqattautini/
Katimayiralaatkuinnarni _____
ublungani haffumap _____ 2019
ilaa angiqtauyukhat.”

Tamna angirotaohimayok elloakhakningi
katimajutiviniit tamakningi elloakhariaqakpata
taman attoklogo titiraqninga:

“Pigiatittihimayaa Katimayiup _____
una Naammaguhungnikkut No. _____
haffumani (ublunga) ihuaqhaqtauhimadjavuuq
ukunatigut _____.”

Ihuaqhariaqariaqqata katimadjutit kingullirmit
katimaniannin, ihuaqharningat imaatut
taiguqtauniarungnaqhiyut:

“Katimayi _____ ilitturipkaiyumayuq
ihuinaaqhimayumik ilaa ungavaqhimangmat
atia Jim Brown ukunangat
Kiinauyaqtuutikhatigut Katimayiralaanginni
llauqataunirmut.”

Kingulliit katimadjutit ihuaqhariaqariaqqata,
pigiatittinikhaat hivumuurutavaktuq talvalu
niruarutigiyakhaat. Una uuktuutigilugu:

“Pigiatittihimayaa Katimayiup _____
hapkuat katimadjutait kingulliup katimanianni
ilaa ihuaqhaqtaulutik imaatut:”

Una pigiatitauhimaniq ihuaqhaitaarnikkut
imaatut titiraqhimayungnaqtuq:


“Pigiatittihimayaa Katimayiup _____
hapkuat katimadjutait kingulliup katimanianni
ilaa angiqtauhimalutik ihuaqhaqtauningannik.”

Hapkuat piqpianguyut katimadjutit ilaa
titiraqtitauffaarutikkut titiraqtaulimaittut
katimayitkunnut takupkaqtautaaqhimagumik.

Pihimaninganniglu Tutquumavianniglu Katimadjutip

Katimayitkut katimanianni katimadjutait
ilaa tutquumayakhariyaat hamalatkut ilaa
titirauhianniillutik.

Eloani 6: Katimayiralaatkut



26

Tikkuaqtauningat Katimayiralaatkunni ukunani Katimayitkunnin

Ukuat *Hamalatkutigit Maligainni, 2014* pipkaiyungnaqtut tikkuaqtuiningannik katimayiralaatkunni ukunani katimayitkunnin naammaguhungnikkut. Katimayitkut tikkuaqpagaat katimayiralaatkut ilaa ataniqarvigiblugit katimayitkut. Kitulliqaak naammaguhungniriilluunniit maligainnailluunniit pitquyauhimaniquaqtut katimayiralaatkunnin ilaa aniguqtauyungnaqtut ukunani katimaqattarvigiyaanni talvaluunniit katimayiralaatkuinnarniluunniit katimayit katimanianni.

Elaoyot katimayikoni eloahakataktot tapkoat katimayiralaakonik. Takoyaokataktot katimayiralaangolotik Aqutinot Katimayiralaat, Gavamanitonik Katimayiralaat, holi Kiinaoyat holi Titirakvikmi Havaktanot Katimayiralaat.

Katimayikot eloahainiakpot maligakhanginik katimayiralaat qako katimaqataqniat, katimagianikmot maligianiit, holi kaffilogo okamakatakniat katimayinot holi qanoklo.

Katimayit Katimayiralaangi havaktakhaminik havagialiit holi hangiyotiminik atokataklotik katimayititot hanginiliit – katimalotik. Havagialiit holi katimajutigiyangi titirarialiit, angirotaohimaloni katimayiralaakonot, holi atiliokhimaloni ehomataoyomit.

Katimayiralaatkut Katimaniat

Katimayiralaatkut katimaniat ilaa katimavigiyauvakput. Ukuat uqauhirivagaitigut atuqtauvaktut talvalu katimayit uqarungnaqtut uqarumagumik, ilaa uqaqtittiyukhauyullu ahiit katimayini uqautigiyumayamingnik uqautiqarlutik. Una katimapkaiyi ilauqatauyungnaqtuq uqaqatigiingnikkut talvalu apiqqutinik niruaqtittiyungnaqhutik ilaa inminut ihumagiyainin uqautigiyumayaqtik uqautigitaarumikku.

Una Maiya *katimaqataulluaqtiugami* ukunani tamainni katimayiralaatkunni ukunani katimayitkunnin. Una pitquhiriyat katimayiralaatkunni katimanianni katimapkaidjutait ilaa ukunani ittungnaqtut pitquhitigut maligainni.

Eloani 7: Pitquhitigut Maligainni

Pivikhaat

Una pitquhitigut maligainnait, ilaa atiriyaani uqaqhimavuuq, pitquhikhaqarviqaqtut ilaa ukuat katimayitkut piyumayaitigut qanurli uqautigiyumayamingnit pinahuarlutik. Ihumaliuqqaarlutik qanurli kitulliqaaq uqautigilluaqqaarumayainnin, katimayitkut ilaa utaqqikhaaquinngillutik qaniqpangnikkut qanurli ilaa katimanikhaat pitquhiqarniarmangaata.

Katimayitkut atuttiarumikku pitquhikhatigut maligainni ilaa katimattiarutimingnik nakuatut pivalladjutiqaqpakput. Katimaniit ilaa taimaatut nakuatuurutigiblugin ayurnaitqiyautigiyailu maligahuaqhugit katimaniit, ikayuutigivakpait ukuanuunngittunut katimayitkunnut talvalu havaktiinut, talva kihimi ukununga inungnut tatqaaniittunut.

Pitquhitigut maligainnait maliktauyukhanik katimayitkut uqaahiriyumayainnin. Una pitquhitigut maligainnait, qanurliqaak, makipkaiyungnanngittut maliktauyukhanik pitquhiriyayukhanigluunniit ilaa akiraqtuutauniarumik pivikhaannik ukunani *Hamalatkut Maligainni*.

Iluaniittut

Una pitquhitigut maligainnait titiraqtauyungnaqtut nalaumaniqarlutik talvaluunniit ayurnaigiyainnin katimayitkut piyumayaitigut. Una ayurnaittuq pitquhitigiyakhaat maligainnani ilaa kitulliqaaq uqautigiyunginaqtut ukunatut naunaiqhivangniq katimanirnit, uqautigiyumalluaqtaillu pilraaqhimanikhaat, talvalu hapkuat katimayit katimaquhianni. Una titiraqhimaniqarluaqtuqtauq pitquhitigut maligainnaini ilaa titirarniqarniaqtut kitulliqaaq pitquhiqarnikkut apiqqutainnin talvalu kitulliqaaq uqautayumalluarutiginiarungnaqhiyaat katimayitkut talvaluunniit katimayiralaatkut katimanianni.

Pimattiarniq Nakuatuurnikhakkut

Parnaiyattiaqhimayuugaluit pitquhikhatigut maligainnait ilaa "pimattiaqtaulutik-piyayuyukhat" ilaaninnguraangat pimattiaqtauningat takuuriyauqattaqpektukhat. Takuurivaglugillu ublumimuuqtitaavaglutiglu pitquhitigut maligainnait piyakhariyaat katimayitkut ilaa nakuatut atuqpangniarutiginiyaqtaat katimayitkut maligainnait aturnikhaat, talvalu ilaa katimayitkunnut

Atoktaoqataqtot Gavamani Katimatilogit Maligat Elloaniitot

Hapkuat iluaniittukhat titiraqhimaniit titiraqhimavut ataani ilaa maliruarutigilugit piyayuyukhat talvalu ihuaqhaqtaulutik nakuugiyamingnik piyungnaqtaat talvalu kingulliit atuqpauhiannin ukuat hamalatkutigit pitquhiannin:

1. Uqaahirinia
2. Tukhiqtuut
3. Katimanainnarutait Katimayitkut Katimaniit
4. Katimainnaqtuutait Katimayitkut Katimaniit
5. Upalungnarnikkut Katimaniit
6. Ahinut Takuyayukhaunnginnikut Katimaniit (Ahinut-takuyaunngittukhat)
7. Katimatquiniq Katimanikhamut talvalu Katimayungnaqhiutit
8. Katimayungnaillaktut Katimanirmut
9. Katimadjutikhaq
10. Katimataarutit
11. Tukhiqtuutillu Uqaqatigiingnikkullu
12. Katimaqatauyukhat
13. Maligainnait
14. Katimayitkut Pitquhiit
15. Maliktauyukhat Akiraqtuainikhakkut
16. Niruarutit Pigiaqtitaunikhakkut
17. Katimayiralaatkullu Katimayiralaallu Katimaniit

ilihimapkaidjutiginiyaqtaat iluaniittut ukunani maligainnarni.

Parnaiyainikhakkut Ikayurningat

Titirarnikhaat pitquhitigut maligainnait ilaa ayurnarniyaqtaumik havaktauvangmata, takuyumaniarungnaqhivat hamalatkut kivgaqtiat maligaliurnikkut ilaa uqaadjigilugu.

Makapirat Nunguaniitot

Atatahimania A – Uqattiarutaat Havagvingmi Uuktuut

UQATTIARNIKHAAT NIRUAQTAUHIMAYUP HAVAGUTIKHAA

Uvanga _____, niruaqtauhimablunga havagviani uvani _____
uvani Hamalakuanni _____

UQATTIAQHUNGA PITTIARNIAQTUNGA TALVALU (UQATTIARNIQ TALVALUUNNIIT
PINAHUATTIARNIQ):

Ilaa uvanga, pittiarlungalu nakuatuurahuarlungalu ayunngitamnik kangiqhihimayamnik ilaa
atanguqtuinahuarlunga ukunani _____ (HAVAGVIUP ATIA)

UQATTIAQTUQ hivuramni uvani,
Aviktuqhimayumi Nunaanni uvani Nunavunmi,
una _____ ubluq _____ uvani _____ A.D.

A Kamisina, hunaluliqaak.
(talvaluunniit qanurinniarutaanni)

(Atiliurvia Uqattiaqtup)

Atatahimania B – Kinguvarumanikkut Naunaipkuttap Titirarvikhaq

Ublunga: _____

HAMALATKUAT UVANI ICEPIK-MI

KINGUVARUMANIKKUT NAUNAIPKUTAQ KATIMAYIKUNGAINNARNI KATIMAYITKUT ATANNGUQTUIYUMAYUT UKUNANI IKAYUUTAIT-ILANGANNI 26(1) UKUNANI HAMALATKUTIGUT MALIGAINNI, 2014.

Uvagut, atiliuqhimayugut katimayiuyugut katimayitkuanni uvani Hamalatkuanni Icepik talvanngaata kinguvarumanikkut naunaipkutainni ukunani katimayukungainnarni katimayitkut katimaniaqtut katimaviup katimavianni uvani Hamalatkuanni Icepik uvani _____ (ublunga), katimalirlutik (humunngaqqat) _____ ublaami/ubluummaat ilaa uqautigilugillu havaarilugillu hapkuat haffumani titiraqhimayuni:

1. Uqautigiyakhaat 1
2. Uqautigiyakhaat 2
3. Uqautigiyakhaat 3 hunalluliqaak

ATILIURNIQ:

Maiya

Atinga: _____ Ublunga: _____

uvvaluunniit,

Katimayitkunni Katimayit

Atinga: _____ Ublunga: _____

Atinga: _____ Ublunga: _____

Una Kinguvarumanikkut Naunaipkutaq ilaa ilaliutigiyauhimayukhaq katimadjutini ilaa naunaipkutaauluni katimattiarutigiyaatigut naunaittumik.

Atatahimania C – Uktuut Katimadjutikhaq

KATIMADJUTIKHAAT HAMALATKUAT ICEPIK-MI

Hivulliqpaq Katimanikhaat Katimayitkut Pingattiummi, November 5, 2019 uvani 7:00 unnulihaami katimaniaqtut Hamalatkut Icepik-mi Katimayit Katimavianni uvani Icepik, Nunavut.

1. Uqattiarnikhakkut Havagvikhamingni:
2. Katimatquiniq:
3. Uqattiarnikhaat Inminut Agviarutiqarnikhakkut
4. Katimadjutikhaat:
5. Katimadjuminiit:
 - Angirutait katimaqattauninginni katimadjutiminiit _____ (ublunga) (atahimayuq)
 - Angirutait katimaqatauhianni katimadjutiminiit _____ (ublunga) (atahimayuq)
6. Uqautigiyaayumayut Katimadjutiminirnit:
 - Ungavaqhimanianni pigiaqtitauhimaniup No. 95/00
7. Katimaqatauhimayut:
 - Icepik Lions Club-kut
8. Titiqqat:
 - Kitulluqaak titiqqat titiraqhimayut hamani (aviktuqtauhimayukhat ukunani ilittuqhautinilu havaariyaayukhanilu)
9. Kiinauyalirinirmut Unipkaangit:
 - Tatqiqhiunmi kiinauyalirinirmut naunaipkuttat
10. Katimayiralaatkut Unipkaangit:
 - Ulapkipkainikkut katimayiralaangit
 - Havaakhaqhiuqtutigut katimayiralaangit kitulluqaak
11. Havaktit Unipkaangit:
 - SAO-nguyp unipkaanga
 - Hanayit ataniata unipkaanga kitulluqaak
12. Tikkuqaqtuiniit:
 - Tikkuqaqtuningat Maiyap Tuglia
 - Tikkuqaqtuningat katimayiralaatkunni katimayia
13. Nutaat Oqaohikhat:
 - Nuttaat Oqaohikhad katimayunik takoyarqturqtonit holiloniit titiqanit
14. Maligainnait:
 - Kitulluqaak maligainnait taiguqtauayukhat
15. Kangiqhipkauhiit:
 - Kitulluqaak kangiqhipkautikhat kitubliqaak katimayiup kangiqhipkaiyumayup
16. Taimaaqtiriniq:
 - Ublungalu humunngaqqallu katimaffaarutikhaat talvalu humunngaqtillugu tamaarniarutikhaat

Atatahimania D – Uuktuutiat Katimanirmut Katimadjutiminiit

Katimadjutiminiit Hivulliqpaami Katimaniat Katimayitkut Hamalatkuanni Icepik katimayut 4th ublungani January, 2019 Hamalatkuanni Icepik Katimayitkut Katimavianni

Katimaqatauyut:

Maiya Shawn Maley, Katimapkaiyi

Katimayit
Darren Flynn,
Karen Collier,
Margaret Taylor,
Jamesie Alariaq,
Tim Hinds,
Brian Mackay,
John Dow,
John Smith unalu

SAO-nguyuq
Bill Buckle

Katimaqatauyut:

Martha Stewart, Kamisina Uqattiaqtukhatigut
Tim Smith unalu Bill Frisby, Lions Club-kunnin

Uqattiarningat Havagvikhakkut:

Maiya Shawn Maley, Katimayit Darren Flynn, Karen Collier, Margaret Taylor, Jamesie Alariaq, Tim Hinds, Brian Mackay, John Dow unalu John Smith uqauhiriyaaat Uqautigiyaminit Niruaqtauhihamanikkut pitquyauhihamanirni uvani ilanganni 16 haffumap Ukuat *Hamalatkutigut Maligainni, 2014.*

Katimatquiniq:

Katimayungnaqhiutit naamangmata, Maiya Maley katimatquiliqtuq uvunngarmat 7:15 unnulihaami

Uqamattiarniq Inminut Agviarutiqarnirmut

Katimayi Dow uqattiaqhuni agviarutiqarnirmut uvani ungavainikhamut pigiaqtittiniannut 95/00

Katimadjutikhaq:

Pigiaqtitauhihamaniq # 120/00

Flynn/Taylor Tahamna katimadjutikhaat angiqtauluni uqautigiyakhaitigut.
Aniguqtuq.

Katimadjutiminiit:

Pigiaqtitauhimaniq #: 121/00

Collier/Alariaq Tahapkuat katimadjutiminiit katimayini katimayitkunni katimanianni
December 1, 2019 angiqtaulutik uqautigiyakhaitigut.

Aniguqtuq.

Katimaqatauhimayut:

Pigiaqtitauhimaniq # 122/00

Hinds/Smith Tahamna unipkaaliuqhimayuuq kivgaqtuiyunin ukununnga Green-kunnin
Grass Lions Club-kut uvunngautquhimablugit Iluviqhinirni
Katimayiralaangannut ilaa ihumaliurutigiffaaqtakhaita, talvalu hivumut,
tahapkuat iluviqhinirmi katimayiralaatkut unipkaanginni pitquhimayait
katimayitkunnut uqautiginiaqqaat katimaffaalirmikpata katimayitkut.

Aniguqtuq.

Uqautigiyayumayut uvannat Katimadjutiminirnit:***Ungavainikkut Pigiaqtittiniup No. 95/00***

Katimayitkunni Katimayi Dow uqaqhuni kiinauyalirinirmut agviarutiqarami uvani uqautigiyayukhami
talvalu angibluni katimavingmit. (7:45 unnulihaami)

Pigiaqtitauhimaniq #: 123/00

Taylor/Hinds Tahamna pigiaqtitauhimaniup No. 95/00 ihumaaluutigiyaunia tikkuaqtauninga
Jane Dow ukununnga Ulapqipkaiyilirinirmut ungavaqtaunikhaatigut.

Aniguqtuq.

Katimayitkunni Katimayi Dow utiffaarluni katimayit katimaviannut (8:00 unnulihaami)

Titiqqat:

Pigiaqtitauhimaniq #: 124/00

Smith/Flynn Tahamna titiraq hamaniittuq, taiguqtautaaqhimayuuq, ilaa tutquqtauluni:

NAM ukunani: Aviktuqhimayuni nunaani Katimaniq;
Uqaudjiyiup unipkaanga;
CGS ukunani: Ukiuuq tamaat kiinauyatigut kigliqarniat
Aanniaqtiliqiyut Havagviat: Iqqakuurviup Inikhaatigut; unalu
ABC Hanayit ukunani: Ilingaiyarniat Hamalatkut havagvianni

Aniguqtuq.

Kiinauyalirinirmut Unipkaangit:

Pigiaqtitauhimaniq #: 125/00

Alariaq/Mackey Tahapkuat kiinauyat tutquumavianni naunaipkuttat ukuallu ihivriyuqtauhiannngittut kiinauyatigut naunaipkutait uvani tatqiqhiunmi November 2019 naammagiyaulutik ilaa uqauhiatigut.

Aniguqtuq.

Katimayiralaatkut Unipkaangit:

Hamalatkunni Hanayit: Katimayitkunni Katimayi Smith uqainnaqhuni unipkaaqtuq.

Pigiaqtitauhimaniq #: 127/00

Collier/Hinds Taamna SAO-nguyuuq Buckle uqautiluniuk Hamalatkunni Hanayit Atania hapkuninnga tamainnik apqutit pualriqhuqtaulutik qilamik.

Aniguqtuq.

Pimattiarnikkut Katimayiralaat: Katimayitkunni Katimayi Hinds uqainnaqhuni unipkaaqtuq.

Pigiaqtitauhimaniq #: 128/00

Taylor/Flynn Una Maiya Maley katimaqatauluni uvani November 15, 2019 Ukiuq Tamaat Katimavianni ukuat Nunavunmi Upalungnaqtulirinirmut katimanianni uvani Iqalungni.

Aniguqtuq.

Havaktit Unipkaangit:

SAO-nguyuuq Buckle hatqiktittiyuuq titiraqhimayumik unipkaamik Katimayitkunnut.

Pigiaqtitauhimaniq #: 129/00

Flynn/Smith Una SAO-nguyuuq Buckle unipkaanga piyauluni kangiqhipkautauluni talvalu tutquqtaudjavuuq.

Aniguqtuq.

Tikkuaqtuiniit:

Pigiaqtitauhimaniq #: 130/00

Flynn/Taylor Una Katimayi Alariaq tikkuaqtauluni maiyap tugliriluniuk uvani Hamalatuanni Icepik.

Katimayitkunni Katimayi Flynn tukhiqtuqtuq titiraqtaulutik niruarutit.

Piyumayut: Flynn, Taylor, Collier, Smith, Alariaq.

Piyumanngittut: Hinds, Mackey, Dow

Maiya Maley uqaqtuq una pigiaqtitauhimaniq Anigurluni.

Pigiaqtitauhimaniq #: 131/00

Taylor/Collier Ukuat inuit tikkuqaqtaulutik ukununga katimayiralaatkunnut:

Flynn	Kiinauyalirinirmut Katimayiralaat	2019-2020
Alariaq	Ulapqipkainirmut Katimayiralaat	2019-2020
Taylor	Havaakaqhiuqtunut Katimayiralaat	2019-2020
Hinds	Pimattiarnikhakkut Katimayiralaat	2019-2020
Collier	Iluviqhivingmi Katimayiralaat	2019-2020

Aniguqtuq.

Nutaat Uqautigiyaayukhat:

Ulapqipkainirmut Piliriarutaitigut Aulapkaiyi

Motion #: 132/00

Pigiaqtitauhimaniq #: 132/00

Taylor/Flynn Taamna Rosie O'Grady havaktitaulirluni Ulapqipkainirmut Piliriarutaitigut Aulapkaiyi uvunngaqqat February 1, 2019 uvani akiliuhiakhap kigliqarniani 2 ablurningani, 1 uqaqhimayumi uvani Hamalatkutigut Havaakhatigut Maligainnaini uvanilu Katitirinirmut Angirutainni.

Aniguqtuq.

Attingniqarningani Ayuqhautit – 1st Avenue Nayugaani

Pigiaqtitauhimaniq #: 134/00

Alariaq/Mackay Ukuat Johnson Engineering Ingniqubhiqiyit qaitquyaulutik katimaffaarlirmikpata 1st Avenue Nayugaani akunnganni 1st uumablu 5th Street Apqutiqarvianni.

Aniguqtuq.

Maligainnait:

Laisiqaqtittinirlu Munaqhinikhaallu Qinmitigut

Pigiaqtitauhimaniq #: 135/00

Mackay/Smith Tahamna maligainnaq No. 14/2019 maligainnaubluni laisiqaqtittinikhakkullu munaqhinikhakkullu qinmitigut talva ilaa ilitturiyaupkaqtauli taiguqtaulunilu hivulliqpaamik.

Aniguqtuq.

Pigiaqtitauhimaniq #: 136/00

Alariaq/Taylor Tahamna maligainnaq No. 14/2019 aippaanik taiguqtauluni.

Aniguqtuq.

Pigiaqtitauhimaniq #: 137/00

Dow/Flynn Tahamna maligainnaq No. 14/2019 pingahuannik taiguqtauluni uvani katimanirmi.

Aniguqtauyuq Tamarmiiqhutik.

Pigiaqtitauhimaniq #: 138/00

Hinds/Collier

Tahamna maligainnaq No. 14/2019 maligainnauliqhuni laisigaqtittinikhakkullu munaqhinikhakkullu qinmitigut pingahuannik taiguqtauluni talvalu atuqtitaulirluni talvanngaas.

Aniguqtuq.

Kangiqhipkauhiit:

January Katimakainnarniaqtut

Pigiaqtitauhimaniq #:139/00

Collier/Smith

Tahamna katimaffaarniaqtut katimayitkut uvani Pingattiummi, January 14, 2019 uvunngaqqat 7:00 unnulihaami uvani Hamalatkuanni Icepik katimayit katimavianni.

Aniguqtuq.

Taimaaqtiriniq:

Pigiaqtitauhimaniq #: 140/00

Flynn/Alariaq

Talvuuna hamna katimaniq taimaaqtirilutik. (9:45 unnuktumi)

Aniguqtuq.

Katimapkaiyip Atiliurvia

SAO-nguyup Atiliurvia

Atatahimania E – Uuktuut Pigiaqtittinirmut Titirauhiat

PIGIAQTITTINIRMUT TITIRAUHIKHAAT

_____ Uvani _____

Ublunga _____

Pigiaqtitauhimaniup No.: _____

Pigiaqtittihimayaa by: _____

Aippiqhimayaa by: _____

Tahamna: _____

Pigiaqtittihimayup Atiliurvia

Aippiqhiyup Atiliurvia

Kiinauyatigut Agviarutait (piyuminaqqat)

Uqautigiyaa uumap: _____

Uqautigiyaa uumap: _____

Uqautigiyaa uumap: _____

Titiraqhimayut Niruaqtauyumayut: Hii Imannaq

Piyumayut:

Piyumanngittut:

Niruanngittut:

Aniguqtuq / Akitauyuq

Atatahimania F – Pigiaqtitauniit Takuinnahugit

PIGIAQTITAUNIIT TAKUINNAQHUGIT

Pigiaqtittinikhaq Ihuaqhainikhakkut

- “Pigiaqtittivunga ihuaqhaitqublugu pigiaqtitauhimaniq ililugu akunnganni _____ unalu _____.”
- “Pigiaqtittivunga ihuaqhaitqublugu pigiaqtitauhimaniq ilalugu _____ kinguvaanik _____.”
- “Pigiaqtittivunga ihuaqhaitqublugu pigiaqtitauhimaniq himmauhirlugu _____ unaunngittumin _____.”
- “Pigiaqtittivunga ihuaqhaitqublugu pigiaqtitauhimaniq ahivarlugu una _____ talvalu una ililluarlugu _____.”

Pigiaqtittinikhaq Kinguvarnikhakkut

- “Pigiaqtittivunga kinguvarlugit ihumaliurutait haffumap pigiaqtittiniup katimaffaalirmigupta uqautigidjavaqqut uvani _____ (ublunga).”
- “Pigiaqtittivunga kinguvarlugit haffuminnga pigiaqtittinikhakkut nutqaqtitauqpiarluni.”

Pigiaqtittinikhaq Ihumaliurutigiffaarniarutikhaanni

- “Pigiaqtittivunga haffuminnga ukuat katimayitkut ihumaliurutigiffaarlugit pigiaqtitauhimanikkut haffuminnga (uqarlugu pigiaqtitauhimaniq).”

Pigiaqtittinikhaq Ahinunngaquyaunikhaatigut

- “Pigiaqtittivunga haffuminnga pigiaqtitauhimanikkut ukununngaqtaulutik Hanayitkutigit Katimayiralaanginnut ilaa uqautigiyakhaitigut.”

Pigiaqtittinikhaq Ungavainikhakkut

- “Pigiaqtittivunga ungavainikhaatigut haffumap pigiaqtitauhimaniup.”

Kangiqhipkaut Ungavainikhakkut

- “Kangiqhipkaidjunmik tunihivunga ilaa pigiaqtittinikhakkut ungavainikhaannik naammaguhunniup # katimaffaalirmikpata katimayitkut katimanikhaanni uvani _____ (ublunga).”

Pigiaqtittinikhaq Haavitittinirmut

- “Pigiaqtittivunga haavitittinikhaannik pigiaqtitaulluaqhimayumin.”

Pigiaqtittinikhaq Piffaarumanikkut Haavititauhimayumin

- “Pigiaqtittivunga pigiaqtitauhimanirmut piffaarlugit haavititauhimayumin.”

Takoyakhat Ovatianginarq

BOURINOT'S KUTIGUT MALIGAKHAINNIN TAKOYAKHAT

Atokniakhogo	Ellvit okaklotit	Okamaytilogo Ekhivaotak okamayyokna- ktotit	Aipiktaogiaka- ktotit	Nuutaoyok aivataoyoknaqpa?	Nuutaoyok ahianik pilogo?	Kaphinot katimayinot qangiktitaot- yoknaqtok?
Nutitiniq	Nutitara....	Akka	Eii	Eii	Eii	Nappata ongatani
Nutaoyok allagologo (atoronangitok allagonik uniktiluguluuniit)	Nuutitivonga tamna nutaoyok allangoli imma okalimalikloni....	Akka	Eii	Eii	Eii	Nappata ongatani
Nutaoyok okamataoninga okamajutaohoikloni	1. Apirijot mikhantot	Akka	Eii	Eii	Akka	Nuutaoyok apikhotatolikapat kiojutikangipat kammagiyaoniak katimagiakmikpata
	2. Nutitivonga Katimati nuuqoligit aipaanot kammagiyaogiqarqtomot	Akka	Eii	Akka	Akka	Nappata ongatani
Ehomaloni honatoinakmik katimajutimiigitomik	Nuutivonga katimajutikhamot tamna kamagikoyara kamayaoniakmat.....	Akka	Eii	Akka	Akka	Nappata ongatani
Nuutahimayok holi okamajutaoloni niriaktaoniahaktologo	Nuutitivonga nutaohimayok toniyaoli.....	Akka	Eii	Eii	Eii	Nappata ongatani
Tamna katimagiagamigota okaohirilogo nuutaohimayok	Nuutivonga tamna niroaktaoyok kamagiyaoli katimagiagamigot (katotikomot)	Akka	Eii	Eii homong- apat kiahianik	Eii	Nappata ongatani
Katimagiagamigota kamaginiakpakot tavva akonarotionikhanik kammaniarata	Nuutitivonga tamna nuutaoyok kamagiyaokologo. (Ehonagilogo nuutaokatilogo kamagiyaoniakpok. nuutitivonga tammna ikhivaotamongalogo.	Akka	Eii	Eii	Akka	Nappata ongatani

Atokniakhogo	Ellvit okaklotit	Okamaytilogo Ekhivaotak okamayokna- ktotit	Aipiktaogjaka- ktotit	Nuutaoyok aivataoyoknaqpa?	Nuutaoyok ahianik pilogo?	Kaphinot katimayinot qangiktita- yoknaktok?
Otiktilogo taimna nuutaohimaliktok (ahianot katimanipta ahianoktovinik)	Nuutitivonga tamna nuutaoyok mikhanot _____, ahianongatavinikot tavongarli.	Akka	Eii	Akka	Akka	Nappata ongatani
Oqamajutigilugu katimalota ahianik okamajutaoyok	Nutitivonga nutaoyok mikhanot..... ahivaktaoli katimatilota	Akka	Eii	Akka	Akka	Nappata ongatani
Holi otikvigilogo nutaoyovinik niroaktaongitovinik	Nuutitivonga tamna nutaoyok mikhanot.... ehomagiyaoli katimaviangigota. (titirakhimayomik nutaoyop mikhanot toniyaogialik toniyaogialik, okakhimayomik) katimagiamigopfi kamagiyaoniak.	Akka	Eii	Eii	Akka	2/3 Nappata ongatani
Ehoaringilogo katimatilohi okamakoyaonginavit (nipikakloaknikmot ahianoloniit)	Tonipkahaktaonikmot	Eii	Akka	Akka	Akka	Niroaktaongitok. Ekhivaotap maliqoyaanot.
Tokihivalikrahoaknikmot aipaata okaohiganik	Tohapaliromanikmot	Eii, toviknakpat	Akka	Akka	Akka	Niroaktaongitok. Ekhivaotap maliqoyaanot.
Kataktitaoloni kangititanga ekhivaotaop	Aivayara tamna ekhivaotak taphomogat....	Eii	Eii	Eii	Akka	
Akirijutikakloni mikhanot maliktaokataktot holiloniit kanorilijutigiyanginik	Apirinik	Eii	Akka	Eii Ellanot kihianik	Akka	Niroaktaongitok. Ekhivaotap maliqoyaanot.
Ahianot atturqtaoyurq tavva atturqtaoyok.	Apirinik	Eii	Akka	Eii Ellanot kihianik	Akka	Niroaktaongitok. Ekhivaotap maliqoyaanot.

ROBERT'S KUTIGUT MALIGAKHAINNIN

Kinamot:	Ellvit okaklotit	Okamaytilogo Ekhivaotak okamayyokna- ktotit?	Aipiktaogia-kapa?	Nuutaoyok aivataoyokna-kpa?	Nuutaoyok ahianik pilogo?	Niroataogia-lik
Katimaataanik	“Nutitivonga tavva katimataakta”	Akka	Eii	Akka	Akka	Nappata ongatani
Onikhimakalaaknik	“Nuutitivonga tavva onikhimakalaaknikmik..”	Akka	Eii	Akka	Eii	Nappata ongatani
Ehoaringilogo tipiqaqpalaak, onakninga katimaviop., honatoinakniloniit	“Atokaonik”	Akka	Akka	Akka	Akka	Ekhivaotaop ehomalioktok
Tavva okniktilogo holi ehomataoniamat	“Nuutitivonga tamna kamavigilavot”	Eii	Eii	Akka	Akka	Nappata ongatani
Oniktilogo aivajutaoyok	“Nuutitihivonga apikhorotaoyok”	Akka	Eii	Akka	Akka	2/3
Kimaklogo ihomagiyakhak	“Nuutitivonga tamna kimaktaoli tavva kamaginiakpakot....”	Akka	Eii	Eii	Eii	Nappata ongatani
Ellalogo/ahivaklogo nutaoyok	“Nuutitivonga tamna nutaoyok elayaoli/ahivakli immanaililogo...”	Akka	Eii	Eii	Eii	Nappata ongatani
“Nuutitivonga tamna nutaoyok elayaoli/ahivakli immanaililogo...”	“Nuutitivonga tamna....”	Akka	Eii	Eii	Eii	Nappata ongatani

Titikat qulaaniitot titirakhimayot nutaonikmot holi oqaoihoyot titirakhimayot eloahihimataikhotik. Ellat holi kamagiyaonginikpat, illvit nutaakmik oqayotiqalaitotit attaani titirakhimayoni, kihianik nutaakmik oqaroknaktotit qolaagut titirakhimayomik.

Kinamot:	Ellvit okaklotit	Okamaytilogo Ekhivaotak okamayokna- ktotit?	Aipiktaogja-kapa?	Nuutaoyok aivataoyokna-kpa?	Nuutaoyok ahianik pilogo?	Niroataogja-lik
Ehoaringilogo maliktaoyoniitok holiloniit ataohikmot ningaknik	“Atoronaktok”	Eii	Akka	Akka	Akka	Ekhivaotaop ehomalioktok
Tohakanik tohiklotit	“Mikhanot tohagakhat”	Eii	Akka	Akka	Akka	Hotakangi
Tokhiklotit niroaktaoyonik nahaktaohimayonik nalonakniagimat hop nipia	“Tohakponga aviktohimaninginik katimavikmi “	Atoktaogialik nutaakmik nutiy-ouqaknialiktilogo	Akka	Akka	Akka	Hotakangi kihianik ehoariyaongipat
Okaknik ehomalonga tahapna ehoangitok	“ehoigohokponga ehomagiyaoyomik taffomigat appiqotaoyomik”	Eii	Akka	Akka	Akka	2/3
Otikvigilogo matoiktaoyovinik katimatilota	“Nutitivonga ovvagot matoikhimayovinikmik okamajotigilogo...”	Eii	Eii	Akka	Akka	Nappata ongatani
Ehomagimilogo tamna okamajutaoyovinik	“Nutitivonga uvvagut (holiloniit ovvatiaro) holi ehmagimilogo mikhanot...”	Eii	Eii	Kihianik hivolik nutaoyok apikhoro-tikhakakpat	Akka	Nappata ongatani
Ehomaloni taffumigat katimajutimiingitomik something out of its scheduled order	“Nutitivonga tavva maligamiit kimaklogit holi ehomajutigilogo...”	Akka	Eii	Eii	Akka	2/3
Niroakrotigilogo Ekhivaotap angirotia angirotigiyanga	“Ekhivaotaop angirotia ehoaringitara”	Eii	Eii	Akka		Nappata ongatani

Nuutaorot, okamajutaoyot holi tokhiktaorot titirakhimayot umma qulaani homogaktaohinarialiit ehoarotigiyapnik; Naliatoinai okamajutaoyoknaktot kihianik katomanikmiitot ehomakpata nalianik pingahot titikat hivolikmit takoyakhammit (Nuunik katimataknik, Nuqangakanoaknik holiloniit Atoktaotimik).

